



皇明文衡卷之七十三

神道碑

大明勅賜故開國輔運推誠宣力武臣特進榮祿大
夫右柱國衛國公追封寧河王諡武順鄧公神道碑

朱夢炎

洪武十年冬十有一月初九日開國輔運推誠宣力武臣特
進榮祿大夫右柱國衛國公鄧愈自河州召還至壽春以疾
薨訃聞

上哭之哀為輟朝三日詔追封寧河王諡武順其月十九日

柩車至三山門車駕臨奠且親視其墓地而舊坐在鳳臺

鄉者狹隘弗稱

上乃遍覽傍近岡阜擇於城南西山之原寬平爽塏敕有司

營建墓兆仍命遷王母夫人及弟暉之喪同葬焉凡喪事所須皆官給之恩至渥也

上猶念其功不已召臣夢炎等於廷諭之曰俞事朕二十二
年東征西討勸勞至甚歷鎮八州有功無過爾其撰文刻之
石以昭不朽臣謹按公牘所載賜名愈泗州虹縣人三世弗
仕以王貴曾祖父大公贈資善大夫中書右丞追封臨淮伯
曾祖母孟氏追封臨淮伯夫人祖父大公贈榮祿大夫中書
平章政事柱國追封南陽侯祖母戚氏追封南陽侯夫人父
諱順與贈特進榮祿大夫大都督府右都督右柱國追封衛
國公母張氏追封衛國公夫人王生而魁偉幼有大志勇力
過人元季壬辰天下雲擾王父衛國公起兵于鄉遂成臨濠
與元兵戰死之王兄友隆代領其衆未幾友隆病卒衆推王

領軍事年方十六王出戰必挺身破敵軍中咸服其勇歲乙未

上駐師滁陽王自盱眙率所部來附克管軍總管其年夏六月從渡大江克采石取太平繼而元將瑩于海牙以舟師扼采石陳也先合兵數萬逼城下

上親督兵禦之調王與魏國公以奇兵出其後大破之生擒陳也先丙申三月定金陵拔深水破鎮江王皆與有功附元帥出守廣德冬十有一月長鎗謝元帥率衆來寇王出城奮擊俘其總管武世榮及軍士一千餘人丁酉三月轉行樞密院判移成宣州七月領兵取休寧績溪聚勝克徽州元將敗走十月浙江苗楊元帥率衆十餘萬來攻城時徽州新附城郭未完守禦之器未備王激厲將士明立賞罰與越國公胡

大海等分門竝出奮兵力戰大敗其衆生擒部將胡平等一百五十八人賊衆奔潰婺源元江同僉領兵來降戊戌正月擊破鐵木兒不花元帥寨斬首五百餘級追至婺源東門擒殺鐵木兒不花獲士卒三千餘人遂克婺源三月取嚴州四月攻淳安縣賊帥金子珍敗走獲馬一百餘匹降其頭目軍士三千餘人遷同僉樞密院事五月浙江苗揚復率衆屯徽州烏龍嶺拒却之九月轉僉書行樞密院事己亥正月領兵略浙江臨安大敗張寇於閑林寨庚子七月鄱陽院判于光右丞余椿擊走偽漢部將辛同知取饒州遂以其城來附有旨命王往鎮之饒城彭彝湖而偽漢主陳友諒尚據江州數遣舟師來攻城王斂兵東門外與余椿丁光等連營以拒之屢戰其衆賊兵遂退辛丑正月除江南行省參政仍兼僉書

行樞密院事總制各翼軍馬饒之境內弄兵者尚懷疑阻王相誠結納撫以恩信於是左丞吳宏等皆請降八月領兵襲浮梁偽參政侯邦佐棄城遁八月取樂平擊敗蕭總管五千餘衆擒萬戶彭壽等六十八人饒境悉定進取江西十月駐兵於臨川之平塘時鄧克明據撫州遣使通欵而實無獻城之志王知其情卷甲夜趨比旦入城克明單騎遁翌日遣人以分省印來獻王號令嚴肅秋毫無犯江右之民室家相慶爭持牛酒迎勞王悉却而不受是時

上親討偽漢主陳友諒於江州友諒敗走遂下江西命王以步兵來會車駕至南昌有旨授王江西行省參知政事留鎮之時壬寅正月四日也癸卯夏四月陳友諒悉國內之兵圍江西江水暴漲寇舟直抵城下王與諸將協謀固守屢

挫其鋒賊勢大沮相持者凡三月會

上親率援兵至湖口友諒懼而退大戰康郎山友諒竟死甲辰三月新淦土豪鄧青叛以卒二萬人據永豐王調兵破之擒首賊胡理問劉右丞五十一人八月從開平王平臨江之沙坑麻嶺十洞諸山寨合兵圍贛州降之南安南雄韶州皆送款乙巳正月進江西右丞加湖廣行省平章出鎮襄陽西抵巴蜀北控河洛烽火相望新附之民未有定志王撫而鎮之民懷其惠軍忘其勞遐邇悅服吳元年十月擢拜御史大夫洪武元年命大將軍經略中原而以王爲征戍將軍征取江淮未取州郡三月攻唐州克之又取南陽生擒蔡國公史克新等二十七員軍士一千五百人馬一百五十五匹七月克隨州右丞王誠降九月進取洪山老馬劉寨夜四鼓斬關而

入擒殺甚衆冬十有一月率兵討蜀河莽張獲之金商均房之境悉定三年命王爲征虜左副將軍平隴右大敗王保保于定西招諭河州土蕃諸酋元帥何鎖南普花兒只汪來等皆納印請降於是河州以西朶甘烏思藏等部來歸者甚衆冬十有二月定功行賞特封衛國公食祿三千石賜以鐵券五年命王爲征南將軍討澧州等處溪洞蠻夷平之九年吐蕃所部州城邀沮烏思藏使者掠其輜重有旨命王爲征西將軍往討之十月王與副將分所將兵爲三倂力齊入覆其巢穴窮追至崑崙山斬首不可勝計獲馬牛羊一十餘萬上嘉其功遣使召還未至薨王以元後至元丁丑二月十五日生享年四十有一兄弟三人長卽友隆弟暉仕至羽林衛指揮僉事先王五年卒夫人曹氏側室王氏徐氏子男五人

長鎮羽林衛鎮撫次銘次鐸次銓次太平奴皆庶出女四人
長女夫人曹氏出也爲秦宮妃次適河南護衛指揮周巖餘
尚幼孫女一人王之葬也以是年十有二月二日丙午惟王
器量宏偉而沉毅簡重謙恭慎密而奉公守法臨大敵而不
懼有大功而不矜又能禮賢下士寬惠愛人廣德宣州徽嚴
饒撫南昌襄陽八州之民至今猶懷其德事母夫人能致其
孝撫弟幼孤能致其愛蓋不獨將略之雄兼有君子之行宜
乎爲國元勳光輔
帝業而膺

上眷之隆者也謹再拜稽首而爲之銘曰

聖皇受命地闢天開掃清六合鼓舞群材惟武順王雲龍風
虎杖策來從誓以身許飛渡大江奮戈前驅斧堅摧鋒何敵

不除一舉姑熟再舉建業颺馳電掣百戰百捷玉節飛雲金
戈凜霜有赫其威徃征群方乃輯浙東乃撫江右大闢煌煌
厲我城守孰謂狂豎而敢馮陵自速厥辜江漢底平

帝用有嘉平章湖廣駐節荆南爰資開蕩化仇而恩循暴而
柔以德輔刑澤及八州武功告成四海一統爵以上公受
天之寵烈烈征西極討窮追殲彼大戎張我皇威召還有期
中道而逝

九重痛悼三軍隕涕念王之忠開拓建功念王之德無忝始
終何以報之王封是錫袞衣綉裳光音泉宅西山之原墓門
有石視此刻銘永錫無極

大明開國輔運推誠宣力武臣榮祿大夫柱國同知
大都督府事江陰侯追封江國公諡襄烈吳公神道

碑銘

吳伯宗

洪武十四年十一月二十六日開國輔運推誠宣力武臣榮祿大夫柱國同知大都督府事江陰侯吳公以疾薨于青州十二月訃聞

皇上為之憫悼輟朝三日 詔所司定贈諡加贈特進光祿大夫上柱國中軍都督追封江國公諡曰襄烈遣使者迎匱以歸洪武十五年二月丙子 賜葬鍾山之陰

上念其功不已命詞臣撰文勤諸豐碑以垂不朽伯宗職居翰林屬當執筆謹敘而銘之公諱良姓吳氏鳳陽定遠人初名國興後賜今名氣岸雄偉性質剛直與弟禎俱以勇力稱元末群雄竝起海內鼎沸 皇上以聰明神武仗大義奮起布衣公兄弟委身相從服勤

左右

上深器焉甲午秋從

上取滁州乙未春從克 和陽常為先驅戰皆有功六月從渡

大江與元兵戰於采石 拔其營乘勝克姑孰尋下溧水溧陽

丙申從定建康戰功為 多又從公大將軍太傅魏國公徐公

達克鎮江下常州屢著 功勤歷陞軍職丁酉下江陰命公以

指揮使領兵鎮守時偽 吳張士誠據姑蘇跨有淮東浙右地

大物眾兵食富強實江 南一勅敵而江陰正當東南要衝喉

襟之地士誠又多變詐 動以金帛啗誘將士公行

上諭之曰彼以其詐我 以吾誠爾為邊將慎守封疆約束士

卒毋外交毋納逋逃毋 逐小利毋與爭鋒惟保境安民而已

公奉命惟謹繕城池遠 斥堠利器器械嚴部伍士卒無敢逃亡

無敢出境生事者敵亦畏公之威不敢侵犯數年

上親將兵下江西克湖廣平僞漢陳友諒大軍屢出而無東顧之憂者以公之扞蔽也丁未大軍克姑蘇士誠面縛

上以姑蘇承士誠割據之餘力戰乃服必得剛毅有智略者鎮其地遂以命公公至奉宣

皇上盛德紀律嚴明號令整肅軍民輯睦咸得奠安洪武三年天下大定論功行賞以公有守江陰之功封爵為江陰侯食祿二千五百石賜以鐵券子孫世襲恩至渥也廣西右江諸州僻處炎徼去中國遠數千里前古號為要荒乍臣乍叛唐宋以來羈縻而已元都北方相去益遠姑息尤甚夷俗狃於仇殺數侵盜邊境五年春命公將兵討之公率兵深入跋履崇山踐歷險阻剪

荆棘衝冒瘴霧勤勞特甚數月盡

平其地俘獲不可勝計自是溪洞夷獠畏威懷德革心向化輸租賦奉法令同內地焉先是

上稽古制建親王為盤石藩屏齊王受封青州命公營建

王府宮殿社稷公經營區畫部署軍卒竝手偕作功成而民不知勞公留青州二載得疾而薨享年五十有八公自起身行伍至為將帥受封爵始終一致有功無過故其薨也

上深惜之恩禮有加焉公存時以公貴推恩三代曾祖三七

府君贈鎮國將軍僉大都督府事護軍追封穎上縣子妣周氏追封穎上縣子夫人祖千一府君贈驃騎將軍都指揮使

護軍追封延陵伯妣劉氏追封延陵伯夫人考似龍府君贈

榮祿大夫同知大都督府事柱國追封渤海侯妣葉氏追封

渤海侯夫人配高氏封江陰侯夫人子男二人長曰高神策

衛試指揮使次曰壽安女三人在室公弟禎亦以勳封靖海
侯追封海國公先公三年薨嗚呼古今豪傑之士際風雲之
會攀龍附鳳竭忠勤樹勳烈以名世者多矣未有如公兄弟
同遇 聖朝同立大勳同膺高爵輝映赫奕若斯之盛者也
是宜勒諸貞石以光前古傳後世而垂無窮豈止照耀泉壤
而已哉銘曰

天啓洪運

大明肇興豪傑率從霧擁雲蒸桓桓吳公剛毅英烈異才間
出萬人之傑天戈義旗飛渡大江爭先鼓勇敵莫敢當既定
金陵亦下京口公俱在行厥績多有江陰崇墉東南要衝屹
若砥柱維公之功姑蘇新附命公綏靖紀律嚴明大小從令
炎荒僻遠命公徂征歷代羈縻慕義來庭功成汗為名載竹

帛兄弟二人竝著開國河山賜誓列侯疏封慶延後嗣與國
無窮生榮死哀富貴終始進爵上公錫謚且美鍾山之陰有
碑穹然勒銘紀功何千萬年

皇明開國輔運推誠宣力武臣榮祿大夫柱國西平
侯追封黔寧王謚昭靖沐公神道碑 王景

皇明以神武定四方混一區宇懋德禔祉東漸西被罔有內
外時則有若貔虎之士翊運之臣汛掃爬梳用能咸和天休
以集大命草昧之初各奏爾功歸于有德也至于內託肺腑
而建丕績者則成于天地涵育之功也是以一舉而開閩關
大業闢矣再奮而運斗樞大政立矣三厲而西略自西徂南
大統一矣翊亮之功昭茲甚明此

皇上之所以始終垂眷大有造于黔寧也王諱英字某姓沐

氏鳳陽定遠人元季天下難作王在童稚喪所怙鞠于母氏
母氏復物故時

皇上龍飛鳳陽往拜于門

上奇而育之賜國姓既長機敏過人數從征伐終日侍側無
戲色亦無惰容弘量孝恭出于天性

上益奇之滋欲試以事壬寅授帳前都尉出鎮鎮江焯有聲
績甲辰除廣武衛親軍指揮使軍府肅然尋加昭勇大將軍
廣武衛指揮使軍府益律戊申春正月

上卽皇帝位改元洪武既定鼎命王從征福建擒元平章陳
友定三月復王姓鎮建寧三郡三年陞鎮國將軍僉大都督
府事四年陞榮祿大夫同知大都督府時天下兵樞交壅治
出聲生稱 上意旨中宮尤屬望焉九年乘傳繇陝右抵熙

河布德澤康遠人事有不便更張以聞明年副寧河王總大
兵征蕃部西渡黃河略川藏耀兵崑崙轉戰千里俘虜萬計
班師論功封西平侯開國輔運推誠宣力武臣階仍舊榮祿
大夫勲柱國食祿二千五百石賜鐵券又明年八月拜征西
將軍將兵征西蕃降元萬戶乞失加三副使舒朶兒只阿烏
都兒人卒二萬雜畜二十餘萬是行平朶甘納隣七站地數
千里十三年以陝西兵征和林元國公脫火赤等略以集乃
渡黃河回賀蘭涉流沙偵騎報去穹廬五十里王分爲四翼
自以驍勇衝其中堅銜枚夜薄其營生擒脫火赤知院愛足
全部皆降明年領軍從大將軍出古北口襲公主山長寨平
四郡過驢駒河虜知院李宣還京副征南將軍統兵征雲南
繇辰沅出羅鬼攻普定下之攻普安又下之轉戰而前元梁

王把匝剌瓦爾密以司徒平章達理麻軍曲靖會大霧咫尺不辨壓白石江兩軍相望征南欲濟王曰我軍遠來利在速戰然衆未集不若以計破之乃陳兵陽若渡者遣奇兵從上流濟草山出其陣後爲疑兵元軍見之陣動王麾軍泅水渡元軍亦卻陳我師旣成列鎧仗鮮明彼皆奪氣遂大戰自旦至晡蹀血震蕩王從鐵騎撞之出而復入生擒達理麻于淖元兵遂大潰僵尸相屬乘勝蹙之勢若拉朽梁王棄城走死收其金寶撫乂其民列衛布守諸郡皆納款唯大理不下率兵攻之段世據龍尾關關險王分一軍夜從間道登點蒼山襲其背黎明王策馬亂流攻關關不守至城前後受敵擒世拔其城會川永昌皆平間使下車里下緬不浹十辰雲南底平夏王與征南分兵東平烏蠻餘寇諸部謂王師東下

復叛夷兵二十餘萬圍雲南四十餘日王以鐵師萬人馳撲之虜聞拔營夜遁時曲靖永昌皆失守王次第復平之事聞詔征南班師王留鎮焉二十一年春平摩沙勒斬首千餘級三月思倫發以三十萬寇定邊東川廣西往往遙應之王率軍三萬禦之期日合戰至期分軍爲三蠻以象乘高撞我右軍右軍少却王下令曰却者斬左軍與之塵中軍右軍夾攻之聲震山谷蠻酋刀斯郎斃于象蠻師大奔斬首無算俘萬餘人盡獲其軍實思倫發遂降秋七月東川平冬十月廣西平誅者滿矣情俘五千餘明年平越叛阿資冬朝京師錫宴奉天殿賜金銀楮幣繒綵以萬計尋還鎮上慰曰爾在雲南朕無南顧憂二十四年阿資復叛王親擊之阿資僅免有詔命王還鎮以僉都督何某爲平羌將軍代

統其兵討之阿資來降秋遣使招八伯八伯來貢八月錫七
田明年夏六月某日王立廳事忽仆于地侍者扶入曰我中
風不能起受

皇上厚恩不能報矣遂薨時年四十又八軍民罷市巷哭計
聞

上哭之慟輟 朝制文遣禮部往祭命其子椿以喪歸葬發

軍護送所至百司祭于道十月戊午王喪至自雲南

上遣中使往祭明日追封黔寧王諡昭靖賜葬于江寧長泰

鄉觀音山時某年某月某日也 勅百官郊送比葬

上諭祭者三

皇太孫親王遣祭者再部府諸司祭者一會祖考某祖考某
父某竝追封黔寧王曾祖妣某氏祖妣某氏竝追封

黔寧王夫人明年塑像功臣廟 敕太常祀以太牢凡葬費

皆給所司不煩其家雲南民夷請立廟守臣以聞 制曰可

初取馮氏故追封穎國公國用之女先王卒追封黔寧王夫

人再娶耿氏故贈長興侯某之女子男五人曰椿馮夫人出

也

上賜以名由後軍都督僉事龍興西平侯今鎮雲南孝友忠

勤民夷悅附以兵梟越叛阿資威震諸夷可謂能繼王之志

矣曰某耿夫人出也僉後軍都督府事曰昌曰景曰昂側室

出也女四人孫女二人夫天地之道尚孝而右忠帝王之政

褒德而顯功王在鎮之二年中宮皇后薨水漿不入口三

日斬衰哀臨終喪三年 皇太子薨喪毀逾禮因以成疾孝足稱矣初莅督府以大學

有正心之要綱目得春秋之旨太極圖明天人之道出師陳
情表著忠孝之實終身披誦不輟家事治而事上必本于忠
勤在鎮之日侍衛不過數十人德可徵矣其馭軍也敵攻無
堅城守必飭從征討則效忠獻謀舉旗斬將及為戎首則神
機橫發出奇制勝功出漏刻有古良將風功可尚矣其為理
也弘毅寬裕招納賢士長駕遠馭恩威兼下墾田至五十七
萬畝而軍實充連歲用師小大戰數十而軍士豫附忠可見
矣嗟乎忠孝昭于身天下仰其光功德著于時天下被其澤
王之事

上有子道焉有臣道焉

上之撫王有君道焉有父道焉非他人為君臣者竝也生榮
死哀可謂宜矣銘曰

聖皇啓運受命自天王氣浮淮有開必先既宣暨將臣天挺神
武鼓盪風雲闔闢寰宇五神闡珥挺生異人依光日月下上
星辰風雲景從發迹海邦遂荒其區遂揜其吭沈沈樞府我
寵居之秩秩

皇猷我儀圖之載敷恩澤西涉渭源載敷國威西上崑崙賀
蘭之墟流沙之阻兵不頓刃霆驅星昴茫茫井絡氣交神州
載清載夷投鞭斷流式遏王誅自爾南夷日月出矣燿火何
施

天兵一麾仆山摧壑封其鯨鯢以示大憍額額其城大燾高
牙萬方攸同六合一家布德弛威一紀是釐習爽闇昧莫不
惠來

皇帝曰咨予嘉乃績黃金大帶龜判琮璧鈞天無人陟帝左

右

帝曰嘻哉朕心曷究追王黔寧錫北京畿以享以祀以介繁
禧推尊王爵上及三世澤逮漏泉無幽不屆子孫繩繩世有
封爵允忠允孝以求天祿觀山之原神道有明刻銘貞石以
勒殊勳

皇明文衡卷之七十三

皇明文衡卷之七十四

神道碑

勅贈開國輔運推誠宣力武臣榮祿大夫柱國同知
大都督府事陸安侯許國襄簡王公神道碑銘有序

劉三吾

許國襄簡公既葬有年洪武之二十年冬十有一月己亥
皇帝御奉天門以工部奏公墓隧之石已具勅翰林學士院
為文賜其家俾鑿焉臣三吾職在紀述不敢控詞則退而稽
其世次官代行事之實序而銘之臣聞天生
聖上聰明時又當元政秕僻寓內幅裂群雄角起資以
君主治其爭亂則有能罷之士不二心之臣若徐常兩王佐
命討伐襄簡王公單秉義效順以會其成功大一統之業者

亦天所畀予者哉公姓王諱志世鳳陽臨淮人性鷙猛有智謀臨陣對敵果毅無前至正壬辰三月土寇蜂起舉鄉兵取濠州且守且戰甲午前克滁州勢劇破竹知天命攸歸在今上疏附來從乙未濟江得采石太平破中承蠻子海牙水寨進拔建康丙申七月調隸總兵同簽樞院徐中山圍常州屢騰柵先登身犯矢石功聞授懷遠大將軍右副元帥丁酉三月常始下公功爲最後恢復宣州江陰宜興高郵等州府多著戰績中山悉其能公克摠其智勇故也辛丑秋九月侍上親下安慶諸郡邑壬寅夏四月復隸中山身先馳戰江西諸州縣望風崩角癸卯八月乘海艘從御舟蹙陳友諒于彭蠡友諒中流矢死擊走其餘黨于注口之水寨甲辰三月上親征湖廣武昌公暨諸將一稟睿筭與賊選最遂下之

載從中山復廬州拔安豐逐北姑蘇張士誠軍陞飛熊衛親軍都指揮使總兵守禦陸安州明年春改授陸安衛指揮使戰守戢綏敵讐民附戊申春正月

上正宸極國號大明改元洪武其夏五月奉旨將本衛兵征迤北次汴梁尋調征河南冬十月從馮勝宋國公度黃河迤邐進取懷慶澤潞等府州往往所部直前無堅陣是臘徙鎮平陽居三年移守漢中仍駐師陝西明年將其全軍深入察罕腦兒絕塞却胡遠遁還軍平陽冬十一月勅贈開國輔運推誠宣力武臣榮祿大夫柱國同知大都督府事封陸安侯五年從中山征朔漠大獲虜而還九月又從傅友德今穎國公征雲南所向克捷十七年凱還京師十九年八月十七日以疾薨于第

上為之震悼罷朝賻贈有加追封許國諡襄簡公生正統乙亥正月九日春秋五十有二以薨之十月二日勅葬鍾山之陰曾祖考四一公鎮國將軍僉大都督府事護軍追封羅山縣子妣董氏追封羅山縣子夫人祖考五一公驃騎將軍親軍指揮使護軍追封太原伯妣甯氏追封太原伯夫人考六三公榮祿大夫同侯妣潘氏追封陸安侯夫人室潘氏從封許國夫人先公薨生至順壬申五月十九日薨洪武庚戌三月始葬鳳陽臨淮至是從公祔焉生男四人長威次域次璣次琛女一人適黔國公子景祐孫男三女二揆公功行是宜銘詞曰

先時寓內助勦弗靖丞民有主資以戡定效用者將鷹揚其人徐常兩王開國蓋臣各有瓜牙奮其威武惟襄簡公久佐

徐府既定江淮亦拓中原目河徂陝益西其鞬絲淮而北極是朔漠轉征雲南卓著勇略最公在軍沐雨櫛風惟知徇國遑卹厥躬陸安受國方倚大用天不救遺黃梁遽夢

上為震悼卹典是頒許國襄簡爵諡具完鍾山之陰公所藏壽正名垂燁然竹帛有桓其表有穹其碑千秋萬禩永永

無期

勅贈開國輔運推誠宣力武臣榮祿大夫柱國同知大都督府事鞏昌侯追封陝國公諡宣武郭公神道

碑

洪武二十年冬十一月己亥
皇上御奉天門工部侍郎臣奏達奏故鞏昌侯墓道之碑已具宜得文及時鑱之有旨翰林學士院製文臣三吾職在

詞垣不敢以才學謏淺為辭謹按其世系功勳年爵次第而
銘之臣聞 天興

聖代大有為之君必篤生壞偉英勇之將與之會遇以輔成
其大業雖人也實天也當元季王政不綱在所裂裳為旗荷
挺為兵草野自雄罔所適主時則

今上皇帝龍興鳳陽天人合應有若中山開平兩公傑出其
間是固功無與儷矣其知所趨向先後疏附厥有成蹟若鞏
昌侯臣郭子興者亦豈偶然哉子興世鳳陽人拳勇有膂力
善騎射自癸巳歲起兵首隸元帥郭某麾下即知所適主明
年得滁州又明年得和州亦既從 龍濟江若采石若太平
若溧陽溧水所向崩角義勇之聲日以瀑矣丙申三月隨大
軍進拔臺城先登授管軍總管繼陞統軍元帥攻圍常州身

紀矢石晝夜不解衣甲為生蠅黷九閱月城始下被賞優渥
載調克宣州江陰宜興婺州安慶衢州勢劇破竹壬寅分兵
之江西南昌得其全城癸卯八月進克鄱陽彭蠡之戰海艘
駢進戒嚴所部人百其勇陳友諒計蹙 中流矢死人知天
命有歸矣甲辰春侍

上親征湖廣武昌泗血馳戰多所斬獲用屢功擢鷹揚衛指
揮使簡在

上心俾從中山王拔廬州拔安豐率先陷陣大敗姑蘇張士
誠為之奪氣其平襄陽下衡州定澧州辰州轉而鞞高郵踣
淮安截拔淅西湖州坐困姑蘇往往累瘡力戰中山王以公
之勇功聞陞鎮國上將軍大都督府僉都督吳二年正月改
洪武元年

上卽位有事關陝命領其軍進討中原搃守潼關三年獻
一迹不敢南移成鞏昌招摩逋殘嚴戢部曲西戎羗夷兩境
帖然進封鞏昌侯方倚之永鎮西垂而溘先朝露薨于家矣
上爲之震悼輟朝三日賻贈有加追封陝國公諡宣武以洪
武十七年冬十有二月日葬聚寶山之原曾祖考某贈鎮國
上將軍僉大都督府事護國追封光山縣子妣某氏從封光
山縣子夫人祖考某贈驃騎將軍都指揮使追封汾陽伯妣
趙氏從封汾陽伯夫人考某贈榮祿大夫同知大都督府事
柱國追封鞏昌侯妣單氏從封鞏昌侯夫人配汪氏封鞏昌
侯夫人皆由公貴馳 恩子男四人長景儀卒于五閩次振
次宗次官僧公生以某年某月某日薨以某年某月某日壽
五十有四惟公自開國以來從能上下盡瘁所事所至以

是故攻無不克戰無一不勝視轉萬里之遠歷歲之久若
掌奧之朝夕焉雖鋒矢交集飢渴不時咸不避師必盪滅渠
兇歸報終事乃已其依 日月之光仗雷霆之威以恢拓疆
宇勒勛西垂者亦人傑也哉詞臣揚厲為職是宜有銘詞曰
聖皇受命 龍興鳳陽戡定禍亂經略封疆篤生武臣先後
相望維陝國公實生

帝鄉沈鷲其勇鐵石其剛乘風雲會依日月光旌麾所指敵
摧鋒芒底定東南載戢戎羗萬里之遠如在室堂生前封侯
式是鞏昌身後封公亦此西方聚寶之原不食之岡佳城鬱
鬱公所固藏詞臣載筆德音靡忘子孫善保奕世流芳

大明左柱國信國公贈東甌王謚襄武神道碑銘

方希古

洪武三十一年九月壬辰

皇帝御奉天門故東甌襄武王之孫昱頓首言曰先臣和沒已三年墓道之碑已具而未有刻文惟陛下憫之俾史臣有述焉制曰可臣昱至翰林以文為請臣謹以其事聞有詔俾為之銘臣乃言曰昔元德既衰天下大亂我太祖高皇帝以神武明聖之資哀生民之無辜奮袂一麾四方響應爰夷僭盜蕩滌兇奸十餘年間遂濟大業雖曰天命所屬不以智力然猛將名臣之勛著于王室有可徵者昔王之歸鳳陽新第也

高皇帝有餞賜之勅其薨也有祭誄之文

帝自謂與王同受知滁陽稱其智勇過人命勒石以紀勞績聖情深厚矣今

陛下不遺舊而賜銘其碑以寵綏湯氏實行

高皇帝之遺志臣執筆從太史後何敢卒讓謹按故開國輔運推誠宣力武王特進光祿大夫左都督左柱國議軍國事信國公追諡襄武封東甌王姓湯氏諱和字鼎臣世居鳳陽縣之東湖里曾祖五一府君祖六一府君皆以王貴追封信國公考七一府君贈特進光祿大夫右都督左柱國追封信國公會祖妣某氏祖妣周氏妣謝氏俱封信國夫人王幼喪二親卓越有奇志嬉戲常習騎射指使群兒父老異之及長身長七尺侖饒智略元至正間豪傑多起兵據郡縣王亦思自奮拔以取富貴壬辰歲聞滁陽王據濠兵勢強率所厚壯士千餘人仗劍從之滁陽王奇王驍勇置之麾下使從諸將略地每在前行命為百戶取九灣攻濠之定遠得兵千五

百人擢爲千戶時

高皇帝處滁陽王甥館王委心推奉率兵從大洪山寨得兵八百陞長萬夫復從攻滁州其守帥以功多授管軍總管招集士卒益衆又明年甲午

帝自取和州諸將多滁陽王舊部曲願望未盡劾臣禮惟王以所領兵聽命甚謹

帝心嘉焉會義兵元帥陳也先復攻和州王與將士擊走之乙未六月

帝渡江下采石定太平王獲敵馬三百士卒稱是旣而也先與其將康將軍水陸分道寇城王繫其水軍矢中左臂怒氣益奮中山王徐公達寧河王鄧公愈帥師由東門轉戰城北破其步軍遂生擒也先以獻王分兵取溧水句容克而守之

丙申

帝定建業三月王偕中山王取鎮江一日克其城兵不血刃陞統兵元帥復同中山王取金壇及富莊七月轉同僉樞密院事丁酉三月克常州奉命鎮守其地攻取江陰明年爲吳張士誠兵寇常州王力戰却之擒其卒三百十月復來寇俘甲士千餘舟數十艘馬數十匹賊勢爲之少沮壬寅偕中山王攻無錫癸卯大破士誠兵于楊山斬其梟將獲甲首五百級逐其別將莫將軍虜其妻子以還拜中書左丞甲辰士誠弟僞丞相士信寇圍長興王率步將吳福興會開平王常公遇春軍合戰士信大敗而退超遷中書平章乙巳擊江西劇盜姚大膽斬之遂取永新州戮僞左丞周安等籍士馬歸于京師仍出守常州丙午

帝命諸將伐士誠略大湖營于舊館降偽將呂左承等虜其兵二千馬八十匹轉戰湖州守將張右丞降進擊吳江州將不能格亦降遂薄姑蘇闡之明年丁未為吳元年九月中山開平與王益督兵力戰卒平姑蘇縛士誠以歸三吳悉定除御史大夫兼太子諭德階榮祿大夫時方谷珍據溫台慶元三郡與士誠比境聞士誠敗固已震恐王督諸軍征之谷珍懼乘大船逃匿海島中王遣人持書喻以國家威德谷珍即率昆弟子姪待罪軍門得兵械舟楫以萬計所至不擾王之功居多乘勝下福州戊申

帝即大位改元洪武王略定閩中諸郡至延平主帥陳友定怙險據是令其副出城降觀望持兩端王虜之以歸東南海上晏然於是歲九月

帝幸汴梁王實危從既而與宋國公馮勝取懷慶澤潞晉絳二年同中山王拔河中渡河入潼關趨鳳翔越六盤關隴皆平明年與中山王宋國公至定西襲元將擴闊帖木兒營西北取寧夏至察罕腦兒獲其猛將虎陳定東勝大同宣府皆以勞先諸將九月還京師論功行賞錫以鐵券封中山侯號開國輔運宣力武臣階榮祿大夫勳柱國祿一千五百石明玉珍乘中國亂僭號四川以重慶為都玉珍死其子昇立四年詔王及德慶侯廖永忠統諸將征之昇鎖瞿塘峽以遏舟師王以計敗之水陸竝進直擣偽都昇不能支率其臣屬奉金寶以降五年同中山王北征窮追和林明年薨通州外郭八年移鎮彰德薨其城是冬追元逋臣伯顏帖木兒于察罕腦兒獲馬牛羊無筭十年正月元日

帝念王之功加號推誠位特進階爲光祿大夫職爲左都督
勳爲左柱國爵爲公國于信俾議軍國事加祿至三千石仍
賜鐵券王益恭畏不自驕盈繼與岐陽王李公文忠練卒于
鳳陽鳳陽濠之賜名也明年巡撫西河州繕完其城郭營舍
十四年偕中山王北伐下灰山擒其平章別里哥及樞密副
使又通又明年 詔至四川永寧治塘濠飭士馬十八年五
開山徭爲亂王帥師討之夷其窟穴俘戮四萬人及入
朝王以春秋高思歸故鄉從容乞骸骨群公次第以爲言
帝喜之賜寶鈔五萬俾造第宅於鳳陽而謂王曰日本小夷
屢擾東海上卿雖老強爲朕行視要割地築城增戍以固守
備王築海上數十城民四丁取其一爲兵以守之二十一年
新第以成告率妻子 陛辭賜白金以兩計者二千黃金以

兩計者三百鈔以緡計者一萬五千文綺四十端信郎夫人
胡氏亦賜金錢文綺甚厚俱降手敕褒嘉之二十三年元旦
朝于京師忽被末疾且失音不能言

帝聞之大驚卽命駕臨視嘆惋久之遣歸故里十月 詔王
之子將命召至邸賜以安車入殿廷燕勞備至復厚賚俾歸
以俟有瘳二十七年王疾彌甚不能興

帝思見之特詔輿入親手爲摩撫語及舊勞對之雪涕賜鈔
六百五十緡預爲塋墓之資二十八年八月七日薨於里第
之正寢至是年七十矣計聞

帝感悼爲之不御朝者三日追封定謚親爲文授使者以祭
命親王咸遣祭于其家棺槨明器冢壙皆官爲之以是年十
一月十二日葬于縣曹山之原 詔肖像于功臣祠配饗於

太廟祥禫必賜祭

高皇帝禮遇功臣加恩于王恩禮之隆時莫與比夫人有婦德明詔稱其賢子五人曰鼎署前軍都督府僉事曰軌太原中護衛鎮撫曰鼎曰燧皆早卒曰醴同知左軍都督府階榮祿大夫將兵征五開卒于軍女五人長適德侯廖權次為曾王妃次適萬泉衛指揮俞鼎次適景東衛指揮賴鎮之子溶次適楚雄衛指揮袁義之子興孫男十一人曰昱暹昇晟勗景昇昂晏昊暉晟其嫡也孫女四人曾孫男一人女二人皆幼王沉毅質直勇而善斷不妄發言入聞國論一語不泄于左右行師受任有詔即行不少顧家臨敵果敢堅忍未嘗挫衄有語及兵書者輒咲曰臨陣決機在智識敏達耳何以泥古為家蓄妾媵百餘暮年皆貧遣寧家得賞賜多惠鄉

黨父老及孤貧無告者責任公宰及歸田里見故交遺民意驩如也厥後群公多先物故而王獨享壽考以令名終斯固保身之有道而始終不倦可謂盛也已今

陛下追惟創業之艱顯揚刻銘使播不朽豈獨蓋覆湯氏之子孫蓋以昭揚

先帝之功德而垂萬世也是用備著其事而獻銘曰

於昭上帝視下孔仁降聖儲才相慈氓民之顛濟俾

聖康之復俾賢臣佐而襄之有元既衰天厭其亂督生

高皇拯綏大難龍奮于潛八極晦冥英傑如雲翼之以升惟

東甌王既智且武灼知天命早識

真主衆方夢夢未決所從獨斷不疑委身效忠臣或擇君杖

策千里生于

帝鄉其社孰似寶劔彫戈折衝四方如虎如龍驅彼犬羊披
淮濟江以作京邑京邑既成

皇業乃集東過偽吳坐鎮毗陵不騫不傾仗義爲城

帝德日宣遠懷邇服王率之行勢若破竹既平姑蘇元惡就
誅威鎮東南暨于海隅乃清關隴乃平幽冀萬邦來同獻其
琛貝

帝曰念哉勛我元勛爰啓上疆流慶後昆中山建侯遂公大

國招冠金券綉裳赤鳥海宇晏寧變夷爲華民休田間穀粟

絲麻王亦白髮燕嬉甲第伊誰致之

天子之賜

天子有詔共樂太平文錦兼金侑以百朋內暨夫人亦受寵

錫爾書爛然觀者動色天賈生才敢眩

聖皇豐其第祿俾之壽康壽考令終孰與之同

天子之門式勸有功沒登王封從饗

宗廟始卒無瑕其忠有耀昭哉

大明如日麗天載焯鴻勛以訓萬年

皇明文衡卷之七十五

神道碑

湘獻王神道碑文

解縉

自古帝王受命極瀆亨屯必有追崇盛典褒嘉旌異顯微闡
幽昭示來世若成湯之吊龍逢武王式商容之間封比干之
墓銅盤勒銘燭于千古政有因革異世同符矧惟我
太祖高皇帝功光宇宙道盡君師恩義兼隆子姓多吉弘祐
于我

今上皇帝天道顯助震動僉志會朝清明揖讓底定日月光
華黎庶鼓舞申明舊章民物按堵會不逾時化危而安易亂
而治山川草木皆有喜氣達孝惟恩施由親始惟我
太祖高皇帝第十一子湘王純孝乘哲遇害於苦塊之間窮

苦沉抑

皇帝嗟悼無已詢咨群言褒諡曰獻治其祠墳詔翰林院學士臣縉曰湘獻王懿德文武嬰茲荼毒朕將昭顯之爾其爲文樹石神道永示無極臣縉仰惟

皇上因心篤慶比於成湯周武弔龍逢封比干之事戚疏等差忠厚有加不敢以菲薄辭拜手稽首叙次爲文謹按諡法聰明睿智嚮惠內德曰獻惟王幼而美異長而通明溫恭粹德武而右文讀書窮理自爲課程常至夜分不寐篝燈屏枕皆自勒銘以爲警策齋明盛服精思力踐有所獨得於死生之故天道之微包括宇宙貫一古今人莫能窺其際也嘗欲著述以開來學手未嘗釋卷開景玄閣延四方賢士編輯閱富皆有緒而具在可踵而成有益於斯文學者甚厚其平居

被服儒素姿體明秀望之玉山晴霞卽之春風麗日聽其言澹而不厭和鑿佩玉從容合度自然足以廉頑起懦不自覺其入人之深也然膂力過人握弓矢刀槩上馬奮捷如飛論古兵制前事成敗出人意料達兵及常德進至荆之虎渡王曰虜兵銳甚必有以挫之今漸沮衄若縱使得入塞遺禍將大卽自畫計遣將奮前擊之敗其前鋒遂窮追之逆兵由是竟不得出塞途中數敗至延安殲焉實本王之首挫其銳筭無遺策卒成大功

太祖益嘉之特召至京慰勞遣還伍開蠻作亂

太祖命王率諸軍討之先入據其窟穴遣人四出招諭盡降其衆不戮一人

太祖大悅勞遣還國其卓卓大者類如此又嘗造棺槨和藥

餉施與軍民之貧者出入以縹囊盛書自隨祁寒暑雨不廢
講誦聘問賢士備極恩禮過佳山水古跡徘徊終日必爲歌
詩文章刻著石上書法深繹晉人精思動合矩度

太祖每有制作喜令書之詩歌豐腴清麗飄飄有出塵之想
其文亦燦然理順造次輒成至於近世科舉之作反覆道義
貫通經傳先生文士佔畢一世所不能盡者其天資高邁不
可及有如此也自

太祖寘天哭踊幾絕因忽忽內傷有棄人間意逮建文君信
讒者誣之以罪遣人圍其宮城逼執之王仰天嘆曰嗟乎吾
觀前世大臣遇昏暴之朝將詔獄下吏便自引決身親

太祖皇帝子南面而王

太祖寘天疾不及視葬不及會抱茲沉痛有何樂於世今又

將辱於奴婢之人乎苟求生活吾不能也因復痛哭灑地沾
濕繼之以血具衣冠赴火死闔宮皆從之時洪武三十二年
四月十三日王諱柏母妃胡氏洪武四年八月初三日生十
一年正月一日受冊封爲湘王建國于荊州十八年十二月
之國妃吳氏靖海侯禎之女生二女皆夭無子墓在荆之江
陵縣西太暉山之原銘曰
猗嗟獻王孝乎

高皇高皇篤愛王此大邦襟喉楚蜀粵惟荆湘旣文旣武有
輯有攘蠢彼蠻寇蝟而跳梁

帝命往征深入其疆招之畢來入其豺狼

帝曰良哉于家有光窮胡豕突蠻起倉卒臙埃懸空聞者怵
惕惟王神武謂彼奇獍長驅無前奔北以出將遺大難天下

罔恤惟王至仁得人死力受算窮追虜以就殛聖道日還孔
繁載籍惟王經緯有刪有述才兼衆長識邁千古開我後人
功非小補遭讒舍已從容就義不辱其身不降其志杯土荒
煙蕪翳不治縉紳過之尚或流涕巍巍

聖皇功高湯武理其祠墳紆哀泉土龍章金冊繡裳衮衣惟
王英爽象服是碑揭昭天地精神在天

帝德王靈垂光萬年

國榮國公加封河南王諡忠武張公神道碑銘

楊士奇

王諱玉字世美姓張氏世家河南開封之祥符曾祖某祖某
父天佑皆追封榮國公會祖妣某祖妣劉妣王皆追封榮國

夫人王初仕元爲樞密知院已而灼知天命洪武乙丑自
來歸我

太祖高皇帝禮遇甚厚王感奮思效戊辰從征卜漁海子哈
喇哈之地以功授濟南衛副千戶又從勦粉紅帖木兒至延
安延川還陞明威將軍安慶衛指揮僉事庚午從征永順散
毛諸洞辛未逐北虜之侵邊者至鴉寒山而還調燕山左護
衛癸酉追虜至黑松林甲戌征野人等處陞都指揮同知戊
寅 朝廷用說加兵親藩事急

太宗皇帝不得已舉靖難之師帷幄謀畫悉以任王王推誠
致慮夙夜不懈事可否進止衆論紛紜未定者王正色數語
決之咸中機宜故凡舉措必咨於王首用王策奪北平九門
撫順討逆三日城內外悉定師將南出王曰不先定薊州將

爲後患薊平餘不足平時薊州守馬宣謀起兵迎拒
上命王討之王至諭之不下環城攻之宣率衆出戰遂執宣
殺之并執指揮毛某王知其可用釋不殺送詣北平遂撫輯
軍民是夜急趨遵化豫戒將士止殺曰師行以得人心爲本
遂簡敢勇士四鼓登陴開其城門將士皆入城中始覺守將
率衆拒戰執其將斬之餘不傷一人將吏悉隨王上謁遂移
師永平密雲皆望風輸款從至灤河王進曰都督潘忠楊松
在莫州阨吾南路宜先禽之

上悅遂親發兵命王爲先鋒用其計取涿州雄縣生擒潘楊
時長興侯耿秉文率兵二十萬屯真定王自請往覘之還言
軍無紀律且其上有敗氣無能爲

上至無極以敵衆我寡欲試諸將勇怯召問今舉兵所嚮
度可必勝否衆未有適說王曰今當徑趨真定彼雖衆然漸
集未齊我軍乘勝一鼓可破之

上曰王言合吾意吾倚王一人足辦明日抵真定接戰秉文
大敗幾被禽獲其左副將軍駙馬都尉李堅右副將軍都督
竇忠及都督顧成等斬首三萬餘級獲馬二萬復敗安陸侯
吳傑軍

上召王諭曰汝之功也非汝與吾意合不及此永平馳報江
陰侯吳高等以遼東兵攻圍城急又謀報曹國公李景隆引
兵數十萬將攻北平城

上與王謀先援永平既至高等望風棄輜重遁王從
上追之斬獲甚衆王言大寧去此不遠請移軍襲之可免後
顧從之遂從攻大寧自辰至午城破斬其都指揮朱鑑執都

指揮房寬下令安撫城中頃刻而定北平報李景隆兵圍城
遂旋師王請先攻其營然後歸援從之徑搗景隆營大戰三
日城中亦鼓譟出表裏夾攻景隆軍不支大敗遁去從攻廣
昌蔚州進攻大同悉下謀報景隆收潰散卒號百萬且復至
王言兵貴神速先事者勝請往駐白溝河以逸待勞可必勝
也

上命王率衆馳往駐三日景隆兵至王以精騎馳擊之斬馘
無算景隆復大敗收餘卒退保濟南乘勝追擊圍其城旣而
解圍還攻滄州獲其大將徐凱進攻東昌敵列陣決戰
上以數千騎繞出陣後敵圍數匝

上已衝擊而出王不知

上所在突入敵陣大戰連殺百數十人王亦被創而殒十一

月廿五日云春秋五十有八

上哭之慟旣旋師諸將皆侍語及東昌事

上曰勝負兵家常事不足計所恨艱難之際失張玉良輔吾
至今寢不帖席食不下咽嗚呼不已諸將皆泣

上旣正大統行報功之典顧侍臣曰張玉才備智勇論靖難
功當第一惜其蚤沒贈奉天靖難推誠宣力武臣特進榮祿
大夫右柱國追封榮國公諡忠顯追封其三代考妣

仁宗皇帝在春宮數與侍臣言張玉識見謀畧卓然老成非
諸將所及且端方有匡直之益誠難得也旣嗣位加封河南
王改謚忠武告於廟以配享

太宗親制祭王之父有秉義懷忠一心爲國靖難之際發謀
奮勇百戰當前所嚮風靡大功垂成挺身陷陣惟義所在視

死如歸忠精貫于星日功烈揚於竹帛之褒蓋王爲人莊重
果毅涉獵書史明其大義而識慮高遠治家禮法秩然奉
命行師紀律嚴肅與士卒同甘苦未嘗妄戮一人每語麾下
曰爲將當澣血戰袍流芳汗簡蓋其殉國之志素定古名將
何過焉配王氏樞密院判執中之女有令德累封王夫人子
男三長輔起武功累進奉天靖難推誠宣力輔運佐理武臣
特進光祿大夫左柱國英國公太師監修國史知
經筵事功德茂碩爲國元臣次輓神策衛指揮使次軌錦
衣衛指揮同知女一永樂中冊爲貴妃孫男六長忠授勳衛
次鑑次瑾次瑄次斌次某孫女八長洪熙中冊爲敬妃次適
清平伯吳英餘在室余陪太師公在史館經進久以余永
樂洪熙從臣實聞

二聖所嘗論王者屬銘神道之碑敬叙而銘之銘曰
文皇奉天中興邦國桓桓忠武奮起羽翼帷幄密勿長策深
畫上契淵衷魚水之得義旗肇舉仗劍先驅攸城九門功
其權輿取藪遵化如探穴雛執其抗鋒摧朽折枯
龍馭旣南大旆在前連下雄鄭遶奮常山長河無險鐵城不
堅撫降殲逆德威茲宣決志敵愾恤厥躬精誠貫日勁氣
吐虹聊城之塵髮怒上衝先軫戰旗千載一忠王勞在國王
績在史王嗣象賢益閣以偉帶礪山河廷有明誓
清廟陟配逾千萬祀

奉天靖難推誠宣力武臣特進榮祿大夫右柱國太
子太傅成國公追封東平王諡武烈朱公神道碑銘
天命仁聖爲下民主必生文武材畧恢傑弘偉之士爲之輔

翼相與協力一心靖暴亂致治平以建非常之功夫肇創之績難矣中興尤非易也故前史贊勳臣率以肇創中興竝言若我

太宗文皇帝龍興北藩安宗社於將危保洪業於永固其功蓋又有難者以一隅之衆而應四方強盛之敵靡堅不摧靡剛不馴固自天之所定亦必有材畧恢傑弘偉之佐以效夫疏附先後奔走禦侮之能是以大功之成勃然莫之能禦也若時東平武烈王其偉然傑然特出者乎王姓朱氏諱能字士弘世家鳳陽之懷遠曾祖考某妣某氏父亮從

太祖皇帝征伐有功累陞武毅將軍燕山中護衛副千戶謹特行善撫士有譽於時母某氏王生有令質自少喜讀書事父母至孝洪武甲戌襲父職事

太宗皇帝於藩邸小心慎恭未嘗少懈而撫恤下人一如其父甚爲

上所信任旦夕侍不去側奉天靖難之師初與帷幄密議惟河間忠武王與王預焉時北平三司之交構造禍者王與忠武建議率麾下首擒之遂奪城九門撫綏城內外三日人以大定引兵攻薊州擒其將都指揮馬宣等遂取遵化永平密雲從

上攻灤河既還從克雄縣首破其東門敵衆敗走追反於月漾橋執其總帥都督楊松潘忠等復追其餘衆於鄭州斬獲不可數計乘勝長驅入真定大敗長興侯耿秉文兵時王獨與敢死士三十餘騎追奔至滹沱河秉文衆尚數萬復列陣嚮王王奮勇大呼衝入敵陣敵衆披靡自相蹂躪死者無算

皇明史稿卷十五
葉甲來降者三千餘人

上大悅賜書褒諭永平馳報江陰侯吳高以遼東兵攻城急
王從

上赴援高遁走王追及之多所殺獲遂從定大寧戮其拒命
撫輯其衆而還時曹國公李景隆率兵攻北平城王從

上至鄭村坝與景隆兵遇大戰敗之進攻其營又敗之景隆
兵列營九門者連敗之城中亦出兵夾擊景隆狼狽走王從

攻廣昌薊州大同次第悉下景隆復收潰散之卒號百萬來
攻

上親拒之王爲前鋒午至白溝河敗其都指揮平安軍及車
又與敵兵戰大敗之明日王領左哨當前鋒又大敗敵兵盡
克其砦柵敵走保濟南王率衆追之至鏢山敵嚴兵列陣

待王連破之敵衆釋兵降者萬餘人王以聞

上悉撫而縱之蓋自是敵兵戴德皆願來歸無復鬪志然

上得之卽遣之不留王從攻滄州先破其東門入城斬首六

萬餘級敵震懼遂獲其總帥徐凱進攻東昌敵列陣決戰

上以數千騎出陣後敵圍

上數匝王奮力翼

上以出進戰夾河王爲奇兵先鋒大敗敵將盛庸兵又敗平

安兵于藁城追奔至真定戰其東門斬首萬餘級遂畧彰德

及定州勦西水寨已而敗敵將李文於德州遂克東阿東平

破汶上諸寨設伏泚河敗平安兵十餘萬進戰小河爲敵所

乘稍却諸將遽請旋師獨王力勸

上行曰用兵未必常勝豈可因小挫繫自沮項羽百戰百勝

竟以漢高屢敗而終興自 殿下舉兵來克捷多矣此小挫何足置意但當以 宗社為重整兵前進耳

上撫掌嘆曰尔言深合吾心遂行至靈璧敵盛兵迎戰玉先登陷陣大敗之生擒其副總兵陳暉平安參將馬溥徐真及都指揮三十餘人獲馬二萬敵眾死者屍蔽原野降者數十萬人悉縱遣之進克泗州渡淮敗盛庸兵遂克盱眙下揚州

從 上渡江入京師內難平諸王臣民推戴

上承大統論靖難功王居首賜號奉天靖難推誠宣力武臣特進榮祿大夫右柱國左軍都督府左都督封成國公食祿三千五百石子 孫世襲賜誥券追封三代考皆成國公妣皆成國夫人永樂二年 命兼太子太傅四年安南黎季犛

其國主毒虐下人拒遏

詔使數諭弗悛遂發兵討罪

命王總兵佩征夷大將軍印率左右副將軍左右參將及神機橫海驃騎游擊鷹揚五將軍兵八十萬討之瀕行

上親送之龍江師至廣西

上顧侍臣曰朕夜察天象西帥有憂其朱能乎然能足辦斯事朕第慮氣候非其所習耳踰旬訃聞

上震悼輟視朝五日一時同王從舉義者永康侯徐忠等十數人皆入奉慰

上灑泣曰方艱難時協力一心相濟能其首也且其素存心

行事皆應遠到曷遽止此言已益酸楚左右皆流涕莫敢仰視蓋王至龍州嬰疾薨十月初二日也春秋三十有七

上親為文祭之 宸衷悲愴溢於言表讀者皆為泣下賻恤

特厚追封東平郡王 賜諡武烈并加贈其三代皆王爵
仁宗皇帝臨御特詔王配享

太宗廟廷賜祭之文尤極褒重蓋當時元功之首也王頎然
魁碩勇力過人器宇宏博智識高遠雍容端重辭氣溫裕廣
坐羣議王折衷之詞簡理當無不心服善馭將士教訓撫恤
親若父子紀律明肅無敢踰越每遇勁敵大呼馳鬪以一當
百敵皆望風辟易懷綏降附恩惠周至出謀制勝靡有遺策
尤善用才人率歸心雖古良將不過是也葬昌平北澤山之
原配王氏累封東平郡王夫人子男若干長勇襲封成國公
太子太保篤實公忠祇勤弗懈歷事

四朝國所倚重次某某官女若干某官某某璿也孫男若干
孫女若干永樂初某侍講禁林凡軍國事預陪

廷議恒與王接知之有素至是太保公屬書神道之碑敬叙
而為銘銘曰

明聖之興天實命之必有名世輔翼攸資

文皇大聖奉藩恭恪天將啓之內難奄作有不得已義旗載
揚彬彬文武風雲奮興于時東平雄才弘畧夜寐夙興密侍
帷幄刈違撫順式宣德音環城中外有截一心金戈所嚮漁
陽風靡永平不固大寧傾圮後顧無虞前驅翩翩折朽雄鄭
摧堅中山盆都追奔滄州殲逆咸奮先登電掃霆擊青齊既
帖踊躍而南持志決往 宋社為心靈璧疾下長淮飛渡茫

茫圻甸有牙無拒大江無險內難廓清翼 龍升御天開日

明國 度南交弗靖奉

命徂征師未出疆大星墮營天不憖遺堂柱遽仆

帝聞盡傷卹典隆厚忠存

社稷勳載簡編偉哉嗣興顯顯

象賢河山有誓追崇有詔

皇明萬年永配 清廟

皇明文衡卷之七十五

皇明文衡卷之七十六

神道碑

故文淵閣大學士兼左春坊大學士贈榮祿大夫少師禮部尚書諡文穆胡公神道碑銘 楊士奇

太宗皇帝御天下二十有三年文武之臣各展其才能達諸事功若竭誠効力始終不渝者其身雖沒所以寵眷之率有進而不衰其文臣遭遇之盛者文淵閣大學士兼左春坊大學士胡公尤著者也公初以進士第一為翰林修撰階承直郎又明年

太宗皇帝入正大統陞侍講踰月改侍讀進承德郎永樂二年陞右春坊右庶子階奉議大夫仍兼侍讀四年進翰林學士兼左春坊大學士階奉政大夫進文淵閣大學士上仍兼左

春坊大學士又三年得疾且劇

上數命大醫集衆醫之良者往視日遣中使問疾既卒

上悼嘆不已命工部具棺禮部賜祭者再贈資善大夫禮部

尚書諡文穆 國朝文臣有諡自太子少師姚公廣孝與公

始也又命官給舟還其喪 命有司治祠墳時

仁宗皇帝監國南京公之喪過焉遣官臨祭賜賻甚厚葬畢

其子入謝官其長子種為翰林檢討

仁宗既嗣位追念公舊人加贈榮祿大夫少師禮部尚書遣

官諭祭且厚賜其家公遭逢

二聖恩備始終何其愈久而愈盛也公居官敬慎在

上前承顧問應對必盡誠必據理而忠厚為本未嘗及人過

事於奉 旨制勅視草即有所見必具可否以聞多見采

納所撰進文字

上知出公筆輒稱善所奏對語及所治幾務退未嘗出口雖

親厚不敢私涉有問蓋自守之嚴有素事

太宗皇帝十有七年凡巡幸北京親征北虜翰林率公與楊

公勉仁金公幼孜在扈從信任甚篤禮部郎中周訥建請封

禪羣臣亦多言此太平盛事

上皆不聽時獨公之言與

上意合既退作封禪頌奏之丁母憂召還

上問百姓安否對曰安但郡縣窮治姦惡外親為民厲遽

詔罷之其兼春坊也小心盡誠多所裨益故尤為

儲君所厚而沈靜謙約以滿為戒未嘗干人以私人亦無敢

以私干之兩考京畿鄉試四為廷試讀卷官鑒別公明奉勅修

高皇帝寶錄及五經四書性理大全書皆為總裁志於扶植
名教獎掖善類果於義事於利不苟取與未嘗一比匪人所
與交必輔之於善不善去之不復顧小人有不滿公者屢造
言毀之賴

上深知之不聽遽黜毀者而公自執愈堅意度蕭散雖身處
榮祿未嘗一日忘山林幽澹閒遠之趣公退閉戶讀書賦詩
而已初名廣廷試傳臚更名靖永樂初復舊名其字光大其
齋居名是菴因以為號公十數歲喪父已有志問學內浸漬
其母訓外則日受從祖子貞先生之教故德器不凡居家篤
倫誼處鄉曲恂恂執恭讓既冠薄遊閩中閩之前輩君子率
忘年與交歸而從黃伯器先生講論得所歸宿之地而日進
焉其學博究經史百氏下逮醫卜老釋之說亦皆旁通而用

志性命道德之旨晚益有造詣為文援筆立就頃刻千百言
沛然行雲流水之勢賦詩取適其性情近體得盛唐之趣工
書法行草之妙獨步當世四方重其文翰求者日接踵戶外
雖無厭倦意然非其人不苟予其卒以永樂戊戌五月八日
春秋四十有九其先自金陵徙廬陵宋忠簡公銓其十二世
祖也曾祖鼎亨祖彌高父子祺累官延平知府母吳元進士
永豐縣丞師尹之子永樂中贈公父翰林學士封母太宜人
公娶夏初封宜人洪熙初進封夫人子男三長卽種次穆次
穗女四長嫁陳年次嫁解禎亮次嫁宋懷孫男六女七所著
文章有是菴集扈從集若干卷公與士奇同郡同官知契最
深未卒前二年有後死則銘之約既卒其又奉臨終之命
索文刻墓石嗚呼士奇先公生五年豈謂竟銘公墓哉蓋今

九年乃克成之銘曰

經國所資文武竝施維武以靖維文以治魏魏太宗統御九有任武暨文如左右手公職詞垣十有九禩秉恭執勤司

帝之制玉冊金簡天章龍文光華日星敷宣

帝仁萬幾燕閒清問前席公所入告惟

帝時懌公所蓄志寬惠被下勿穆泯焉密贊鴻化

春宮輔德平直之行

二聖惟明燭鑒公誠好文之朝儒林之首人聳其瞻公眎無有泊虛之存簡肅之度彼其何心有好好有惡仲尼有言善者好之善有好公沒思不衰寵章駢蕃貴終猶始始終之全曠代其幾金螺在左文川在右埋璧有光上貫牛斗墓道之碣

為尋有多最行琢辭來者是儀

少保戶部尚書贈特進光祿大夫太師謚忠靖夏公

神道碑銘

公姓夏氏諱原吉字維詰其先家于饒州曾祖復祖希政元末為湖廣行省都事兵亂死之考時敏為湘陰縣儒學教諭遂家湘陰公自幼端厚好學年十三教諭公沒益知自勵母夫人廖守節教子公終父喪即出教里塾取束脩以資養而率其二弟恭侍婉愉得毋夫人懽心出入鄉閭其老長皆忘年賓禮之時已負鉅人度喜怒不形里少年嘗被酒侮慢公里人共擊之詈之曰汝小人不知鄉有君子耶有鬼物白晝附人言禍福驚動里中或強公往觀卒無所言他日復有言或問之故曰夏公端人吾不可以近公一無所動心洪武庚

午歲以詩經選鄉貢入大學遂擢戶部前四川都主事授承直郎進承德郎曹務叢睦凡倉庾府帑之出入簡牘之著悉有條理同官後至於事有未通者咸以質公日環左右公雖紛冗必為之盡心蓋人人德公如師陞戶部右侍郎授嘉議大夫巡撫福建所過郡邑考察吏治咨訪民隱公明寬大人咸悅服

太宗皇帝入正大統轉左侍郎逾月陞戶部尚書授資善大夫永樂初蘇松諸郡大水命公往治發浙西兵民十數萬疏決壅滯自松江黃浦東北以達于海水患乃息而撫恤曲當人不言勞又撫綏其飢民奏發廩三十餘萬石賑之散給有方民賴以濟進資政大夫初建北京採營殿材於東南命公自南京抵北京督視運送給以錦衣衛官校且

命有不率命便宜行事公於號令中備矜恤之意人人效用太宗巡狩北京公預扈從命兼行在禮部都察院事歲餘車駕親征北虜

今上以皇嫡長孫留守北京命公輔導庶事修舉京師肅然

太宗還良喜賜公鈔千緡綵幣四表裏羊酒鞍馬自是屢奉命侍

今上有司奏公與吏部尚書蹇公歷官九載皆有淳良篤實如古名臣之論

太宗親宴之別殿無幾賜誥命追封祖考皆為資政大夫戶部尚書祖妣為夫人封母為太夫人重修

太祖皇帝實錄命公監修書成賜鈔織金文綺衣文綺表裏

北京宮殿成奉 勅召

仁宗皇帝及

今上于南京

二聖喜公至賜宴勞及鈔白金鞍馬北虜復犯邊

太宗皇帝將親征公言今邊儲不足請遣將無煩六師忤

旨罷官

仁宗皇帝嗣位即日復公戶部尚書公以母喪未終辭

仁宗曰國家不幸有大事正朕與卿等協心比力之時如卿

以親喪辭則朕亦未當在此公乃不敢復言遂加少保仍兼

戶部尚書賜玉帶

今上正位東宮加公兼太子少傅少保尚書二職如故

賜誥命追封曾祖祖考皆為榮祿大夫少保兼太子少傅戶

部尚書曾祖妣祖妣妣皆一品夫人 賜銀章一其文曰

愆糾繆且諭公曰朕有過舉卿但具奏來以此識之朕不難

於從善 賜鈔萬緡御用米二十石胡椒二百斤公感知遇

之厚鞠躬小心靡或不盡修

太宗皇帝實錄命公監修

仁宗皇帝崩時

今上監國南京至則喪禮及即位之儀皆具皆公一人所預

定

上既嗣大位公以舊輔尤重倚注公亦孜孜惟謹寵賚日盛

修

仁宗皇帝實錄仍為監修庶人高煦反

上親率六師擒之公預扈從還賜白金文綺等物甚厚賜銀

圖書一其文曰含弘貞靜蓋褒公之德云明年扈從巡邊既還

上念少師蹇公及公等四人者皆春秋高欲優逸之 賜勅

嘉勞 命輟職務而仍其祿朝夕侍

上備顧問謀議而恩遇益厚

兩朝實錄成賜白金織金羅衣文綺表裏鞍馬賜宴明且入謝暮歸第得疾遂薨宣德五年正月二十七日也壽六十有五歲

上聞訃震悼遣禮部尚書胡濙賜祭贈特進光祿大夫太師賜諡忠靖賻鈔萬緡勅有司營喪葬官其子瑄爲尚寶司丞仍復其家朝臣自公侯貴戚下至郎曹將校咸往弔祭衛卒巷氓亦有嘆息至流涕者公天性至孝友其弟原整原禮

厚原啓沒愛其子如子讀書鄉校時教諭史九韶雖非授業師遇之必拜雖貴不變旣貴九韶陞教國子月恒分之祿九韶將老 朝廷從公請命致事與人交久而敬平生故人在患難率賙給之遇士之貧者振之有顛躓失所者援之德雖微必報而未嘗存怨惡心接人溫然處事善善長而惡惡短襟宇澗深閎廓不見涯涘嘗有從隸汚公金織賜衣懼欲逃者曰汚可浣何懼爲有吏壞公所寶硯石匿不敢見公召吏諭之曰物皆有壞吾未嘗惜此慰遣之於時卿大夫雅量推公第一知者蓋比公於王子明韓稚圭之度其在

上前所言必歸仁厚臨政必酌大體其預宥密雖泯然無迹蓋有陰受其德者矣故不間貴賤疏戚識不識皆知其爲善人長者喜爲詩四方士重公名得其一篇一詠藏以爲榮公

配鄭氏有賢德再封皆夫人子男三琬瑄瑾女一嫁虞瑀琬
與虞氏女皆先卒公卒之三月歸葬湘陰其家以墓碑屬余
余與公同朝三十年晚益親厚相知又嘗爲余道其平生
余豈意遂志公之墓耶銘曰

沂夏厥初以國爲氏衍于會稽縣縣厥系太末之邑後來徙
居暨唐中和復徙于番懿夏之世逢掖其服詩書有承德善
有績轉鄴而潭自公祖考積厚必發公奮起紹燕歌鹿鳴來
與計借官任其賢政用其才繇司徒屬暨掌邦教寅恭小心
寬仁允蹈參決大議游任重負不亟不徐雍容雅度如彼喬
嶽截焉弗移其氣默運澤潤良多祇事

列聖既四十載夷險一道其爲几几國有老成堂有柱石
胡不慙遺

當宁興則旣榮且哀隆隆寵光於乎忠靖沒世不忘

奉天靖難推誠宣力武臣特進榮祿大夫柱國太保
陽武侯追封鄆國公諡忠武薛公神道碑銘

宣德五年五月太保陽武侯薛公奉命城隆慶永寧赤城
獨石竣事將歸以疾聞

上遣中官以御醫往視且賜勅諭勞至京猶力疾入見
上慰諭再三旣歸第日賜御藥遣中官臨問無幾竟不起七
月廿三日也訃聞

上震悼親爲文祭之追封鄆國公賜諡忠武詔有司治喪

塋凡喪塋之儀皆優等蓋特恩云公諱祿姓薛氏世家山
東膠州之新興社會祖考諱安妣劉祖考諱大妣金考諱遇
林妣張公兄弟六人而公第六自少傑特有大志未冠籍戎

伍上官皆奇之從北征金山及哈刺哈之地又從征迤都山
乃兒不花等處自是屢出西北二邊涉萬里而還

太宗皇帝舉兵靖內難公首從義旗攻九門克薊州遵化援
密雲攻雄縣追敵漢州威奮勇先驅以一當百戰真定公生
擒敵左副將軍駙馬都尉李堅超陞燕山右護衛指揮僉事
賜白金文綺從援永平攻下大寧富峪會州寬河時南兵已
圍北平城公還先遇其哨騎薄戰敗之 車駕繼至從戰鄭
村填敵大敗陞指揮同知從克廣昌蔚州攻大同率兵前哨
獲敵人馬遂從南征大戰白溝河追奔至濟南陞指揮使從
克滄州大戰東昌公以五十騎前哨遇敵兵數百與戰敗之
獲馬三十餘疋敵悉衆來追公復奮戰大敗之獲馬二百餘
疋敵於威縣及深州伏兵以要旋師皆擊走之從戰夾河大

捷戰滹沱河右軍力屈公率衆馳赴之出入敵陣數十合戰
敵敗走公追至夾河斬馘無算獲馬五百餘疋明日戰單家
橋公馬蹶爲敵兵所得拔刀斬敵兵復上馬督戰遂敗敵將
平安軍以次攻下順德大名彰德及攻西水寨公生擒敵都
指揮一人斬獲尤多從攻東阿東平汶上皆下之繼戰淝河
大店小河汴隄靈壁率勇先諸軍遂渡淮渡江從
車駕入京師

太宗皇帝爲臣民推戴既正大位論功行賞陞驃騎將軍後
軍都督府都督僉事以其官秩贈三代永樂六年陞都督同
知八年從 車駕北征至玄溟河以功進榮祿大夫右軍都
督府右都督兼左軍都督府事以其官秩加贈三代時四方
選至幼軍數萬悉命隸公操習十二年從 車駕北征十五

年初建北京宮殿 命公董營繕十八年成加奉天靖難推
誠宣力武臣特進榮祿大夫柱國封陽武侯食祿千五百石
追封其三代皆侯爵賜誥券二十一年從

車駕北征還奉 命討捕湖州叛寇二十二年復從
車駕北征是年八月

仁宗皇帝嗣大位加公太子太保子孫世襲侯爵奉

命巡北邊適虜寇雲州公率兵追至大松嶺斬獲甚衆事聞
賜勅嘉獎遣中官及鴻臚卿即軍中勞之既還 賜白金鈔
幣加歲祿五百石洪熙元年佩鎮朔大將軍印率師巡北邊
宣德元年庶人高煦反 車駕親征命公為前鋒先一日圍
其城罪人既得留公撫綏城中軍民還賜銀幣甚厚明年秋
車駕巡邊出會州解后虜寇塞下與戰敗之生擒其酋

斬獲其餘衆遂鎮薊州永平冬還 賜銀幣加厚四年率師

護兵餉開平者再五年春佩鎮朔大將軍印巡邊至奇黃嶺

遇虜拒戰悉斬之盡收其家口孳畜陞大保 錫鈔幣居三

月董築城之役蓋從公之言以便戍守公平居無事未嘗忘

危每計邊務言之亶亶或謂其瑣屑者終不為變蓋其志奉

國惟恐不盡為將勇智兼備常先事籌畫用心之至以夜繼

日故所嚮成功未嘗敗北間一二臨陣中矢石累創赴闕有

進無退其率師所過紀律嚴明秋毫無犯而撫恤士卒人人

歸心若董繕作規置有方力不煩費功率堅久人亦罕及蓋

一代之興必有一代之臣公祇事

三聖涉歷多用志篤鞠躬盡瘁以效臣職故能建功

國家流光簡冊致身貴富垂萬歲後昆其非古名將之流而今

之不可多見者歟公壽七十五有三年其配李累封至侯夫人
子男三長勳先卒次某次某次孫男三長誠先卒次某次某以
是年十月三日葬公于其鄉其原銘曰

明聖之興有命自天必有輔翼異名世之賢氣機翕會雲龍風
虎有勳有烈左文右武桓桓許公始奮從義大呼迅馳金戈
鐵騎智明幾先勇蓋萬夫疇其膺之析朽摧枯 宗社載安
功書冊府在

帝左右股肱心膂公於事

上一誠不貳知竭臣職死且無怠公於馭衆有紀有綱撫如
春和令如秋霜歷事

二聖麟衣蟬冠廷有老成

國有屏翰冊書鐵券傳襲來裔公公如長城曷不百歲英靈升

遊九原在此太史作銘式昭無已

皇明文衡卷之七十七

神道碑

奉天翊衛推誠宣力武臣特進榮祿大夫柱國追封

平江侯諡恭襄陳公神道碑銘

楊七奇

太宗皇帝初自北藩靖內難至江上都督陳公瑄具舟迎濟
內難平

上正大統錄功賜公奉天翊衛推誠宣力武臣特進榮祿大
夫柱國封平江伯賜誥券陳氏家合肥其先世具余所著其
先公墓碑公字彥純自少穎敏不凡好善惡惡內篤孝行洪
武中侍父官成都習兵畧精騎射以武臣子選侍大將嘗從
出郊遙望孤鴈雜鶩群命衆從者射不中最後命公發一矢
斃之有鴟翔于上命公射應弦而墜白是屢試皆奇中衆大

服而公不自爲能 朝廷命總兵者作蜀府宮城遣將伐材
於山所行失律且材不中度又所經瘴地士多死總戎察公
可用遂命之公善撫綏明號令別取善道七百里以入先期
而還士不病所得材皆適用總戎者嘉之又命董繕作具有
條理遂從征南番巖州中亭及散毛鎮南咸建勞績代父職
爲成都右衛指揮同知父坐舊累謫戍遼陽公伏 闕奏請
代行 特詔父子並免復職衛卒數輩饕餮詖狙詐狹制上下
爲衆患公次第悉去之善類以安從征越嶲討建昌酋長月
魯帖不兒踰梁山平天星寨破寧番諸蠻駐西河口諭降夷
人數千從總帥復征鹽井平三山寨及小伯夷進攻卜木瓦
寨據要害立堡以斷賊路官軍分三隊進公居中已而左右
兩隊弗支奔還公所統僅百餘人冒險先登賊數千圍公公

下馬率衆且射且斫賊疲稍却公亦傷足果創進戰自巳至
酉賊敗走公全所統而還復從征餘寇賈哈刺時寇衆數萬
據嶮以拒官軍分三道公軍後進由番西涉打中河得間道
乃出奇兵作浮梁渡河既渡撤梁以固士志遂壓寇境寇憑
嶮迎敵一日十三戰奪其嶮明日復力戰凡七合寇大敗遂
入其壘簡銳卒出哨令望見前軍旌旗即舉砲俾知已敗寇
仍遣五百軍斷寇走路寇窮出降械送賈哈刺京師撫輯其
餘衆公及麾下加被陞賚從 蜀獻王巡邊招撫邊夷兼理
茶馬之政邊人悅戴灌口都江堰壞民苦水患公修其隄防
躬督工作爲堅久計矜恤無告出貲置義田二百畝於成都
積所入租凡貧不能衣食不能婚嫁及死不能歛葬者皆給
之會雲南兵征百夷以功陞四川行都司都指揮同知遂進

右軍都督府都督僉事

太宗皇帝知公才可任時北京軍儲不充命公歲董運百萬石道海給之公措置井井躬建百萬倉於直沽尹兒灣城天津衛籍兵萬人戍守公善任使均勞逸秋豪無取於下凡漕途姦弊掃滌一清漕舟所經海島夷人畏憚官軍悉閉匿公下令俾出爲市而遣官監臨平其直軍無敢譁人兩使之舟還值倭寇劫沙門島公率衆追至朝鮮境上焚寇舟殆盡寇以殺溺死者甚衆奉命率舟師於閩海備倭寇者三海溢坳沒隄岼起楊之海門歷通泰北至鹽城凡八百里奉

命以四十萬卒修之航海至者茫洋莫知所停泊徃徃膠淺公於太倉相可泊處以二十萬卒築高丘三十丈延亘十里爲表識衆便之稱寶山事聞

親製文樹碑焉既建北京罷海漕浚濟寧臨清河通南北往來仍屬公董餉運公建議造淺艇二千艘初歲運二百萬石爲之有方後增至五百萬石國用以足若踣清江浦引水由管家湖入鴨陳口達淮以免淮河風濤之患就管家湖築隄亘十里以便引舟浚儀真瓜洲二埧湖港之埧鑿呂梁徐州二洪巨石以平水勢築沛縣刁陽湖濟寧南望湖長隄開泰州白塔河通大江築高郵湖隄內鑿渠亘四十里以通舟南北造梁以便陸行自淮至臨清相水勢高下建埧四十有七以時啓閉皆舟楫通行永遠之利於淮濱作常盈倉五十區以貯江南輸稅於徐州臨清通州皆建倉以便轉輸慮漕舟昧河深淺自淮底通州濱河置舍五百六十八所舍置卒俾導舟可行處綠河隄鑿井樹木以便夏月行者免於事

慮之周而爲之果

仁宗皇帝初臨御下詔求言公首言七事大槩謂南京國之根本宜爲久遠鞏固之計選將益兵以嚴守備長民長兵皆宜擇賢能然後政舉而下不失所賢能在推舉推舉在覈實乞選朝臣之公正者分巡天下考察百司政事得失進廉能黜貪鄙則官得人而治可興今府州縣學教官多不得人乞令風憲考察罷黜別選今中外軍伍多缺蓋由所管頭目私役擾害不勝致其逃逸乞 勅都府兵部都司嚴切禁約就行清理老疾者令戶丁代逃逸者責限其戶絕者驗實除豁伍籍又邊防之要在兵食足近歲如開平等處城不足兵兵不足食所守何由完固乞選武臣之有文學者授以精兵足其衣食給之堅利器械俾日教習如有沃壤令兼務耕守

今漕運惟江西湖廣浙江及蘇松諸郡去北京甚遠漕河又有洪輝淺凍之阻往復踰年雜費數倍正糧上逋公租下妨農務乞自今令運於近便淮安徐州等處收貯別令官軍運至北京則民力可蘇農務不妨各處官軍每歲漕運畢財力殫乏到家又修理壞船運來歲糧勞勤可憫其所管頭目又加別役以重困之乞行禁約今後漕運軍士不得再有別役馬船快船惟二三百料者可行於漕河所載不過五六十石每船已有額設水夫今又於緣河拘集軍民聽候其至接遞聽候日久衣食艱難有至行丐者乞自今罷之

上覽奏嘉嘆命有司咸即施行 賜勅獎諭有老成忠愛之誠之褒加之重賚 賜誥追封其曾祖省三祖重一考聞皆平江伯曾祖母孫祖母朱嫡母王生母王故妻湯皆夫人命

子孫世襲

宣宗皇帝臨御命公鎮守淮安兼督漕運公至察宿弊之爲民厲者悉革之豪猾姦宄皆斂避境內以寧時已嬰疾而躬勤旦莫靡有滯事疾間入朝深被嘉勞賜宴賚還至淮安無幾疾復作

上聞特勅勞問時子儀在侍衛令挾醫馳驛往侍竟薨宣德癸丑十月十一日也春秋六十有九訃聞

上悼嘆輟視朝一日追封平江侯益恭襄賜祭命工部營葬公爲人闔爽英毅弘度偉畧稠人廣會譚論壘壘倫輩推服公餘披閱載籍考知往古成敗治亂之故喜近逢掖士時相講議善交際能推利爲義所至以濟人爲心多所建置人用德之不忘家有樂善堂恒舉鄒孟氏仁義忠信樂善不倦

之語以勉子孫配某氏封夫人子男五佐襲平江伯後公數歲卒次儼次儀今爲勳衛好文事精武畧次倫次侃女三李芳江陰衛指揮同知張英其婿也一未行孫男三裕今襲平江伯祐祿女七公葬以薨之明年三月墓在江寧縣大山之原余與公同朝三十餘年相知且好於是儀以狀求著神道之碑故按狀叙而銘之銘曰

繫公挺出何桓武兼勇智追前聞材藝夙試卓寡倫哉之三品承考勳繼溪獠峒獫狁群負嶮弗擾寧且趨公奮掃刮迅拔塵前滌腥穢寧邊民有截譽望齊峩岷歛微來東衛宸垣遭承興運效駿奔錄勞疏封昭鴻恩貂蟬鞶玉衣繡麟報賜志企古蓋臣單心畢慮靡夕昕滄溟茫洋渺涯沂歲漕萬艘奄然臻有梗于海威赫震斬鯨戮鱷焚甲鱗崇表海岬

巨長雲雲章龍彩天垂文南賦北貢艱以辛踰淮歷齊底天
津疏堙鑿堅劬且勤坦行如砥成者忻猗嗟公篤孝與仁厥
施諸時績弗泯愛 國亦有嘉謨陳功載冊府被後昆大江
之陽歸有墳太史銘之昭不刊

封榮祿大夫少保戶部尚書兼武英殿大學士黃公
神道碑銘

黃羸姓顓頊之後以國爲氏勲業文行代有聞者永嘉之黃
自宋御史檢法來以科第起家令緒有傳世篤儒業檢法孫
脩職郎諱適道生元明正書院山長諱南一山長生松陽縣
學教諭諱應發教諭生諱通娶屠氏生公諱性字思恭自幼
穎悟不凡蚤喪父祖母劉躬自撫育遣從學明師時已卓然
有立志讀書必尋究大義十五鄉長老試所業命賦新竹大

見賞異而操行清潔元季兵亂方國珍竊據温台署官屬
附之徒率勢跋赫赫動閭里或勸公仕正色叱之遂累足不
出屬歲大侵家每落躬儉約以率下而養親必豐

國家既定宇內家始復振推其餘以濟親戚鄉黨者率視爲
分內事內弟王時中孤寡依公公資遣之學後升太學生公
皆輟已資之時中旣授官坐事當沒其家有司以同籍併沒
公家公叩有司求得先祠神主及先世傳文以付其親戚曰
保藏之如黃氏先德未泯吾當還則此不可失也而求檢法
所受告身或言燬矣大慟幾絕旣至京白其情於

朝得釋歸而告身實未燬亦復則又大喜曰復此萬金不足
重也公於學自幼至老不倦閒居潛心載籍喜爲詩不事雕
琢務以理勝遇名人制作有會意者手自抄錄晚亦喜譚道

學嘗書邵子安樂窩吟置齋壁時諷詠以自適永樂十年以子淮貴封奉政大夫右春坊大學士時淮侍

仁宗皇帝監國屢問公安否嘗賜瓊玉膏一器洪熙初進封榮祿大夫少保戶部尚書兼武英殿大學士淮奏請分少保祿給於鄉以供養從之天下聞而榮豔焉於是公年已九十鬚髮半白而齒落復生雖重聽而日益明步履強健前二十年嘗預作壽藏是旦甘露降其前之松栢識者以爲公之壽徵至是而驗公雖貴益惇謙謹雖五尺童子接之以禮溫裕有容犯未嘗校隣惡少嘗侵公蔬地公弗校而侵不止有畿公愞者公若罔聞惡少後侵官地有司將治之而詢諸其隣之老公爲疏其實而薄其罪人皆服公之量公已進對一晶其友之子有官于朝而佚平者過家焚黃數於會帝位公

上里人交誚之而公怡然不一毫在意閩陳興祖清尚士也與公厚善客死永嘉公歛葬之盡禮而繪像時展對焉其交篤誼類此性簡澹無他嗜好所畜惟經籍法書名畫及古器物有就鬻者倒囊不靳不嗜酒而喜賓客有過者必傾寫盡歡淮謝病歸日侍甘旨公益樂時携賓客載小舟嬉遊山水之間翛然物表也所作詩文有靜菴集八卷藏于家一日得疾手書數事付淮大要以報

君上爲重遺命喪葬循朱氏禮而屏斥浮屠老子法語訖而逝宣德六年十一月五日也享年九十有三訃聞

上遣官賜祭命有司治葬廷臣自師傅六卿以下皆致祭配王氏里儒家貞淑秉禮既歸黃氏蚤夜躬勤女事佐裕其家凡所制財用之宜井井有條理尤謹先祀睦族姻而愛其

庶出之子孫踰於已出永樂壬寅十一月十三日卒享年八十有六初封宜人後贈夫人其卒也 朝廷遣官 賜祭命有司營塋子二男一女長男濟庶出次即淮及女皆王夫人出淮洪武中舉進士由中書舍人累陞右春坊大學士通政使少保戶部尚書武英殿大學士立 朝有侃侃之節歷事列聖皆為

上所信任今以疾歸第女適王士昌士昌蚤卒無子誓守節不更嫁孫男五樂先卒菜斐采槃女三葉璣王宜嘉其壻也一未行曾孫男四旭暉珣瑜公與夫人合葬邑大羅山之原於是淮具書以前翰林檢討潘畿所述事狀使來京師求書墓道之石士奇與淮同官三十年辱公知有素不敢辭敬次第書之而系以詩曰

滄海之堦清浙之東奕奕永嘉為文獻邦出者奮庸處者求志仕止之義代有聞世邦之黃氏其來逾遠當宋紹興臺幕有衮秉德執義不附權姦卒用裕後而今桓桓公其世嫡曷潛在在下抱貞含和允續乃祖紛其號號養讓公獨引恬紛其矜高公獨履謙五采歲歲翺翺雲漢帝嘉所生龍光輝煥崇秩重祿玉帶朱衣雍容丘園消極期願邦有壽俊平世之瑞亦有賢洲德人之配青山鬱巒雙壁合藏毓祥垂祉百福其昌

贈驃騎將軍左軍都督府都督僉事王公神道碑銘

宣德十年加贈左軍都督府都督僉事王瑜之祖彥達考銘皆驃騎將軍左軍都督僉事祖妣黃妣咸皆夫人封其繼母如太夫人於是瑜求余文勒碑其考之墓用昭

上恩於永遠按王氏初出太原家諱源者為滄州學官因家焉其子曰福綿自滄徙泗州娶房氏一子即達又徙山陽三子銘其仲也字銘甫洪武初從征伐以功長五十夫暨老而瑜代之瑜謂余曰先考天性質實尚德務仁躡履率正而篤於教子恒言忠孝人道之大端人而昧此不可以立於天地之間瑜不敢違情瑜非承籍先公之德不有今日幸執事之惠昇之也余與瑜同朝久蓋素知之始瑜既代又選隸趙簡王護衛時留京師一日其護衛指揮孟賢等十數輩潛結造邪謀篡奪布置已定簡王實不聞也瑜親戚有與謀者瑜竊聞之力諫止不聽遂奏發之詔捕賢等悉獲之得其偽詔書及邪謀本末賢等皆伏誅聖諭遼海衛正千戶遂進歸衣衛指揮同知

恩三代贈其祖若考皆懷遠將軍指揮同知祖妣妣皆沂人封其繼母太淑人後陞瑜都指揮僉事署左軍都督僉事佩漕運印充左副總兵董江南饒運其蒞事勤敏持操廉潔秋毫無取於下夙夜顙顙志在奉國遂實授都督僉事瑜之能子要之本於銘甫之能父也自瑜效忠十餘年致位二品膺受重寄榮及祖考天之所以報施厚矣凡人之善患無諸已誠有之天道未嘗爽其報也銘甫之顯庸雖不在其躬而必在其子榮命雖不見諸生前而必徵於身後天之道豈不信哉銘甫四子長琳次琮次瑜次瑄八孫堂堅爾賢直顯顯賓銘甫生元至正辛丑五月十日沒於永樂壬寅十二月八日春秋六十有二葬海州城北沙村之原銘曰南山之植根本深厚挺發為材凌切雲表宜柱宜梁廟堂之

需宜艦宜舟濟海與湖王氏之宗善仁代有有沿襲焉歷祖
暨考篤鍾于嗣秉志桓桓維忠維誠以事

大君發植兇懲爰清氛曠

帝錫寵嘉曰旌汝義崇秩豐祿式賁厥躬派厥祖考申顯褒
封厥考維良允蹈于德教成于家致時赫奕歸焉佳城其藏
在此春秋來拜振振孫子

開國輔運推誠宣力武臣柱國武定侯贈營國公諡

威襄郭公神道碑銘

楊榮

洪惟

太祖高皇帝龍飛淮甸應天順人爰刈群雄戡定海內一時
智勇材力之臣感會風雲效其忠勤輔成
帝業開千萬載太平之運奇勲偉績銘鏗振耀勒銘鼎彝垂

光竹帛與 國家相為無窮猗歟盛哉予嘗叨躋

國史竊觀開國勲臣其間能身躋壽考世為貴戚子孫享有
顯爵久而益盛者不數人豈非其存心之仁與積累之厚有
間耶若營國威襄公蓋足徵焉公姓郭氏諱英臨淮人生有
異徵沉毅多智身長七尺膂力過人尤精騎射年十八從
太祖起義兵甚見親信每令直宿帳中取徐泗滁和采石大
平建康鎮常寧國諸郡屢立戰功

上嘗以郭四呼之

上親征偽漢陳友諒大戰鄱陽湖相持連晝夜公時金瘡未
瘳力疾鏖戰敗賊於禁江口已而友諒中流矢死有言公之
功者

上問之公曰天威神筭臣何力焉

上益重之特友諒子理復立於武昌進軍攻之其將陳僉同者驍捷善槊馳入中軍帳下

上方坐胡牀遽呼公曰郭四爲吾殺賊公持鎗躍馬奮臂一呼賊應手殞墜

上解所御赤戰袍衣之曰唐之尉遲敬德不汝過也授驍騎衛管馬軍千戶從征襄陽克淮安鳳陽安豐陞宣武將軍驍騎左衛指揮僉事洪武元年戊申從大將軍徐公北定中原下齊魯克汴梁平河南取元都破潼關彰德廣平所至有功初大將軍遣公取通州公距城三十里爲營深溝高壘爲持火計衆請速攻之公曰吾師遠來敵以逸待勞攻城非我利也宜出其不意破之翌日大霧公以千人伏道傍率精騎三千直抵城下元將五十八國公帥敢死士萬餘張兩掖而出

與戰良久公佯敗彼乘勝來追伏兵中起截其軍爲兩道劫首數千級擒元宗室孛羅梁王遂克通州元君乃北遁克永平真定定州生擒守將湯同僉復從平章常公取太原守將王保保軍於城西公憑高望之謂常公曰彼兵多而不整營大而無備請夜劫之常公深然其計遣五十騎伏城東十里以舉火鳴砲爲期至夜公率十餘騎潛入其營舉火鳴砲伏兵亦舉火鳴砲常公引兵繼至鼓譟之聲耳相接保軍大潰自相屠戮乃棄城遁下興州大同至沙淨州生擒僞將竹平章渡河取鹿臺西安鳳翔鞏昌追敗賊將賀宗哲於亂山庚戌陞本衛指揮副使從征迤西克定西討西夏察罕惱兒撫安忽辰平章沙淨州復叛討平之克登寧州斬首二千級獲牛馬數千陞昭勇將軍本衛指揮使賜金龍衣一襲辛亥陞

驃騎將軍河南都指揮使將赴鎮 皇寧妃公之女弟也

上遣至公第餞之且謂公素清儉賜白金二十鑿廐馬二十匹時河洛新罹兵燹邑井蕭條居民艱食盜賊充斥公宣布威德綏輯流亡申寬條明賞罰遠邇來歸者日以千計未期年戶口倍增境內大治丙辰移鎮北平河南士女不忍其去遮公馬數十里不得行甚至泣下既去為立生祠北平初定群胡反側不寧公開示誠款諭以理亂禍福人心遂安元左丞何允中等聞公之德來降者凡九千餘人

上遣使勞以上尊羊馬授龍虎將軍北平都指揮使

賜誥命逾四年 召還京進大都督府僉事更定官制改前

軍都督府僉事灰山賊反承 命討平之 賜馬七匹辛酉

從潁川侯傅公征雲南既至 命公及都督陳桓胡海分道

進討道多險隘諸將欲深入公曰破敵貴先聲攻取必自近始舍近趨遠豈策之上耶遂先攻赤水河路距河二十里為營時久雨河水暴漲公曰賊時水漲不意吾濟下令諸軍斫木造筏夜半濟河北曉賊始覺遂大潰生擒烏撒并阿容諸蠻由是雲南諸賊破膽進攻曲靖六梁州關索嶺及偽石元帥山寨皆克之至江川倚于寨寨依山公先遣騎兵五千攻其前賊空寨迎戰復以精騎數百擣其後斬門而入火砲連發烈焰漲天賊乃亂悉破滅之進攻大理金齒降其偽官段平章攻安寧州賊將不花帖木兒棄城走破富民縣山寨攻靖守州蠻七寨一日夜破之攻牢撞山寨取仁德府破哨店山寨圍姚安敗賊將李自久平蒙化州鄧川州破三營復光寨過金沙江攻北勝府生擒賊將高生平麗江府平津等州

前後斬首一萬三千餘級生擒二千餘人收精兵人馬數萬
船千餘艘蠻民降者數十萬戶雲南諸路平論公功進爵開
國輔運推誠宣力武臣柱國武定侯 賜諸券食祿二千五
百石子孫世世承襲 丑加靖海將軍鎮守遼東丁卯同大
將軍宋國公馮公討北虜納哈出降之師旋虜將追襲之公
與戰創傷左脇箭復中右脇公佯呼虜傷吾甲我衆益奮連
戰數十合虜遂却已而進征虜右副將軍仍鎮遼東戊辰出
討北虜至捕魚兒海邏騎偵虜營不遠公乃令諸軍少憩飲
馬銜枚卷甲倍道而馳直抵虜營虜王覺乃率十餘騎潰圍
出其將蠻子太尉來拒我師公手刃之獲兩營所積金寶玦
玩圖書降其衆五萬餘人生擒虜將咬咬司徒乃曩家太尉
爽古達兒古不達刺王子等四萬餘人馬駝萬五千匹牛羊

輜重無算師還賜白金千兩鈔八百錠綵幣四十匹已已
上以天下無事且憫諸將老欲保全之厚加 賜資遣歸其

鄉公亦就遣庚午獨 召還京

上賜坐與語歎甚 命統禁兵及在京諸軍蓋

上春秋高知公忠謹特倚重焉辛未以虜酋阿扎失里寇邊
命公討之獲其人口孳畜逐北至鴉寒山而還丁丑川陝寇
發勢張甚

上顧曰非卿無能勝其任者授征西將軍印討之至沔之後
河生擒賊首高福興及黨四千餘人公䟽其同謀者請誅之
脅從者乞勿治且言有司不恤民宜正其罪

上可之永樂元年癸未二月十七日卒于家享年六十有九
訃聞

太宗文皇帝爲之震悼輟朝二日遣官致祭賻卹有加 贈
營國公諡威襄 賜塋京師聚寶山之原公孝友仁恕恭儉
誠實出於天性母夫人嘗疾篤懸身燈告天求以身代疾遂
愈人皆謂公孝感所致後母夫人卒公廬墓側晝夜號泣不
絕聲臥寢於地毀瘠日甚一夕夢母夫人告曰地濕則致疾
致疾則傷生汝固純孝惟竭忠報國爲父母光墓不必廬也
公感悟而歸家三年之中哀痛如一日平居兄弟怡怡克盡
友愛御軍行師動有紀律推心任人甘苦同之其攻克州郡
必禁虜掠戎殺降封府庫收簿籍一錢尺帛不敢私嘗北征
軍法夜必令親軍直荷戈環帳立一夕風雪大作公悉罷
遣歸營其愛恤軍士多類此家居簡靜好讀書天文地理百
家之說靡不通曉教訓子孫以儉素力學爲務事

太祖高皇帝四十餘年小心謹慎未嘗有過 眷遇錚隆而
自處益謙

上嘗御便殿 賜坐適有奏事者公趨避之

上曰卿第坐朕自理事不汝關也其見敬愛如此時公卿多
置田產公多不治

上問之對曰臣一布衣荷

陛下寵靈叨有封爵子孫衣食餘饒安敢增益俾生侈心
上善之嗟歎良久公大小百餘戰金瘡滿體每陰雨痛甚及
聞征討之 命即日就道未始以老疾辭其事

上竭忠蓋如此曾祖參祖聚父山甫累贈營國公會祖妣何
氏祖妣趙氏母單氏贈營國夫人配馬氏封營國夫人公兄
弟四人長早卒次興以軍功封鞏昌侯贈陝國公諡宣武次

其福建都指揮使次即公也子男十二人鎮銘鏞鑑鎗銓錡
鉦鈔鑰鑰鎗鎮駙馬都尉尚永嘉公主銘遼王府典寶進封
武定侯鏞中軍都督府右都督鑑中都留守司副留守鎗散
騎舍人錡早卒鉦贈承德郎尚寶司丞鈔旗手衛指揮使女
九人長適府軍衛指揮僉事蘭瑜次適濟寧衛指揮使弋其
次遼王妃次適府軍衛指揮僉事趙斌次郢王妃次適金吾
右衛指揮同知范聚餘早卒孫男二十有八琮玳璧瑄瑾
珽瑤瑄璟玘璋璣璣璣璣琬琰餘尚幼琮附軍衛指揮僉事
玳襲武定侯瑾早卒珽尚寶司丞璣梁王府典寶璣璟皆
勲衛孫女十六人長

仁宗昭皇帝貴妃次適留守左衛指揮陳鑑餘在室曾孫男
五人聰耽餘尚幼聰散騎舍人予觀前中稱郭汾陽功蓋天

下而主不疑位極人臣而衆不嫉富貴壽考始終令節七子
八婿諸孫數十人俱膺顯仕唐世榮之若公勲業之隆子孫
之盛方之汾陽夫豈多讓皆由公存心一本於仁故積累之
厚愈遠愈隆焉嗚呼偉哉玳以神道之石未立無以昭示永
久來請文予閱其家傳考定其大者次第之而系之銘曰
天啓

皇明淮甸龍飛乘時應運風雲一機

大祖受命汛掃餘孽群力桓桓鼓勇就列東征西伐北南以
平斷出神聖功協衆能展也郭公有文有武翊輔

真主實天界付鄱陽之戰衆論偉公公仰廟略不有其功既
捷通州再捷太原河南北平黎庶懷恩南詔之征武功尤大
誅叛全生蜀民是賴秦後漢胡偷生漠北卷甲擒之妖氛蕩

條

皇有嘉錫錫爵褒功金書鐵券武定啓封錦袍御馬白金文
綺赫赫高門煌煌戟棨世聯國戚代有顯融匪幸所致惟公
之忠忠在

朝廷載之信史亦有孝思永錫爾類在昔汾陽著勲有唐公
實似之于今益彰我作銘詩勒功墓道百世斯承有赫其耀

太子太師郭公神道碑

天眷 國家誕啓中興之運必有英傑爲之股肱運謀効力
於其間而後勲業克成故榮祿大夫太子太師郭公實其人
也公諱資字存性姓郭氏河南武安人曾祖諱温父仲禮皆
以公貴贈榮祿大夫太子太師曾祖妣淨氏贈夫人祖妣馮
氏妣王氏皆加贈一品夫人公生而穎敏志氣超羣兒弱冠

入邑庠從師受春秋有所造 就洪武辛酉入太學甲子領應
天府鄉薦明年會試禮部對策 大廷賜同進士出身初爲
戶科庶吉士擢戶部總部試主事丁外艱服闋實授本部湖
廣清吏司主事改陝西清吏司吏不容奸聲譽頓起陞都察
院左僉都御史無何尙書郁新以才薦之授前北平布政使
司左叅議蒞事之初卽以本司弊政爲言

太祖皇帝嘉其忠直陞本司右叅政公悉心殫慮贊佐有方
不數月陞左布政使精勤詳慎紀綱大振豪猾斂跡良善獲
安時

太宗皇帝在藩邸尤愛重之公有所言無不聽納及起義靖
難命公城守撫輯兵民供給糧餉百費所需未嘗乏誤嘗以
漢蕭何擬之

太宗皇帝卽位論功召陞戶部尚書 賜白金文綺楮幣視
諸伯未閱月以北平重地秉命秉傳掌布政司事未幾
詔建北平設行部拜公行部尚書公以北地軍民初安生業
始遂而官司所費冗濫當搏節以恤下乃惓惓以祛弊舉廢
爲務或有不說而謗公者
太宗聞之降勅慰諭益以心腹任之滿考賜宴內廷頒勅獎
諭錫以誥命贈公祖若考皆資政大夫北京行部尚書祖母
及母皆夫人歲辛丑

太宗皇帝都北京革行部調公戶部職務叢脞公勤以率下
事有條序

仁宗皇帝嗣位念公舊德以尚書兼太子賓客已而復念公
抱疾艱於步履不忍煩以政事特陞太子太師俾致事歸鄉

既加賜齎文令戶部給公半俸蠲其稅糧差徭特賜璽書
勞甚至公歸杜門教子孫讀書屏絕外累

皇上嗣登大寶眷求老成念公祇事

列聖勞績居多詔起復掌戶部事免其趨朝朝賜鈔二萬貫
公愈感激効忠雖祁寒盛暑必坐公署視事不暫廢僚屬胥
吏莫不敬憚焉滿考 賜宴于禮部將以勅書譬公如歲寒
松柏愈老愈勁其優待隆厚至於如此宣德癸丑十一月疾
劇屢言蒙被 朝廷重任無以效報爲愧切切訓諸子及孫
當感恩思報不及家事十二月癸丑卒

上深悼惜爲公罷朝遣禮部尚書胡濙賜祭勅工部製棺營
喪塋贈特進光祿大夫柱國湯陰伯諡忠襄官其子佑爲戶
部廣東清吏司主事公生元至正辛丑十一月己巳享年七

十有三卒之日家無餘貲公卿大夫皆往哭弔致奠祭配陳氏賢而勤儉累封一品夫人子男五長儀先卒次卽佑又其次曰儼曰倫曰俊女二季榮高讓其壻也孫男十七人孫女十二人惟公廉介勤慎剛果有爲自始仕至老視國事如家事凡所施爲毅然自任不畏強禦雖然有弗避害有弗辭與人辨論嚴厲之氣見於詞色而推之於政畧無害人蠹物之心誠 國家忠謹直亮輔弼之臣也佑奉柩歸以其年某月某甲葬某山之原乃以郎中黃璿所狀事行來請文勒之墓道以垂永久余與公文好三十餘年不可以辭旣序其槩而復系以詩曰

川嶽降靈篤生賢哲乘時奮庸以樹勳烈惟公之生早負俊才列職卽署超僉憲臺風猷完振綱紀斯秩出 祭大藩政興

其意凡所設施算無遺策顯命薦臨特拜方伯赫赫

是請宗伏羲而興命公居守撫民餉兵旣正大位嘉公勞績進

及 尚書厚其資錫公愈飭勵經國如家謗怨弗恤 恩寵屢

加

仁宗嗣位眷顧尤重兼秩宮僚式隆任用念公抱疾進位師

臣俾休于家疊施以恩

皇上繼統眷公耆舊 詔復任事寵待加厚維公忠貞衆所

共知維公勲業顯著于時筋力雖衰寸心猶赤奄忽長逝

帝用悼惜贈爵賜諡喪葬是營官其後嗣存沒光榮維茲光

榮從古罕致公具有之其誰克似武平有山鬱鬱其崇勒文

墓道垂耀無窮

故光祿大夫柱國少師兵部尚書兼 華蓋殿大學

七贈特進光祿大夫左柱國太師諡文貞楊公神道
碑
楊溥

正統九年三月甲子光祿大夫柱國少師兵部尚書兼
華蓋殿大學士楊公卒公在疾時自為墓誌及卒其子植林
號泣請余為神道碑文神道有碑制也墓有銘古道也義
不可辭乃序而銘之公西昌儒宦家子諱遇字士奇別號東
里曾祖景行元翰林待制祖公榮考子將累贈以公官曾祖
妣祖妣妣皆夫人公一歲喪父鞠成於母夫人陳氏自幼端
重異群兒受業於鄉儒海桑先生海桑母夫人世父也見其
敦敏甚器重之公自知學手不釋卷十二三通舉子業鄉人
請為子弟師嘗有儒生過館下棲棲然携書數冊公詢之聞
其母老無所養乃分其徒之半與之俾得束脩奉母姑氏舉

家瘟疫門無人跡公以宿其家決旬為之調治全愈始於
是寢有聞於鄉里母夫人嘗曰吾兒方學嚮義足以光先世
及弱冠出游章貢章貢守儒者嘉重之俾攝琴江教事琴江
令亦儒者深賢之公感知已勸令尚平恕嘗為之言脫誣枉
重罪數人或持金謝公者公若不與聞斥之出遊江湘所至
人敬慕欲薦之輒辭不就遂有聲江湖會朝臣以名儒薦徵
入翰林編纂一時儒者稱公博洽試於吏部考其文為首遂
有聲於朝授王府審理副復召入翰林編纂

太宗皇帝入正大統改授編修屢遷翰林學士改左春坊大
學士洪熙初陞禮部左侍郎華蓋殿大學士踰月陞少保
兵部尚書尋陞少傅階榮祿大夫正統初陞少師階光祿大
夫公歷事

列聖四十餘年信任始終荐臻極品夫豈偶然哉

太宗皇帝初臨御脩復成憲撫綏夷夏 神謀聖斷洞合事

幾時在翰林與密勿以敏捷幾智承 眷顧者亦有其人公

獨持重勤事未嘗以賢智先人嘗受 命與廷臣議事公審

衆長以聞

上稱公能服善及 車駕巡北京命

皇太子監國乃命公輔導時營建北京征勦叛虜匠作軍興

徵於南方者咸啓白

皇太子公言監國之體以尊君順親為心

皇太子嘉納之凡所奏對及裁處庶事鮮有過舉

仁廟即位公以官僚荐膺重任知無不言言無不納會不踰

年裕民之政舉行無遺嘗 賜勅褒重之賜象牙圖書曰貞

一以表其心賜銀章一曰繩愆糾繆俾匡所失賜畿內田

千畝固辭請業貧民 詔三俸俱支公懇辭尚書俸

宣廟臨御益見禮重及東藩構亂公隨 駕東征罪人既得

公請絕浮言以全親親開釋脅從以廣 仁恩

上嘉納之

今上嗣位公以老成弼亮治化啓沃 聖學力所可為者身

任之恒恐不及常以高年辭弗許

上愷其情命還鄉展墓公以三孤之重還鄉里謙抑自處如

昔在鄉里時甫數旬即來京又六年講疾

上命明醫療之久不愈賜璽書寬慰及賜寶鈔光祿酒饌以

資養之竟不起時年八十

上深惜之輟視朝一日遣禮部尚書胡公諭祭贈特進光祿

大夫左柱國太師謚文貞仍命有司給舟車歸其喪葬鄉邑
白雲原是年某月日也公存心忠厚急於為善自布衣時篤
念族屬周恤急難審取舍行義卓卓為人稱道及為大臣識
達大體嘗曰大臣以薦賢為本然全才難得故所薦引取其
所長不求其備公壽考康寧恩榮始終宜也非幸也娶嚴氏
累贈夫人繼郭氏累封夫人側室李氏子三稷稹秣女四人
梁楫蕭承恕劉鈞蔣重其壻也孫男六昱晟嵩暄晏昕女三
人 朝廷脩

三朝實錄公為總裁筆削有公論平生所著有沙羨稿石臺
稿文籍志法書志東里集總若干卷藏於家公立心制行有
自撰墓誌有東里傳有小傳溥自出仕與公文游在館閣議
事彼此不能無可否退而歡如也存亡之感曷有窮已茲用

撮其槩書之神道為之銘曰

斯文遭際千載亨期以翼君德以福羣黎越稽往古異世尚
規

皇明啓運大統重熙純佑有命挺生瓌奇左右密勿四紀于
茲玉成耆德以臣以師中流砥柱羣疑筮龜天不憖遺吁其
孔悲

其可

皇明文衡卷之七十七

出於天性而撫弟妹尤篤其於學問不待程勸選爲邑庠生而泰和王敬先爲訓導循循善教公亦勉勉善學學成取進士遂入都察院理刑獄以廉平得名永樂癸巳拜監察御史時

車駕在北京有言南京鈔法阻滯命公往察之衆謂將起大獄公往擒市豪一二以歸奏曰市人聞令皆震懼今鈔法已通矣

上頷之而罷倭寇犯遼東公往按問戍守之失律者凡百餘人皆應死公爲開陳其可矜狀甚明

上然而宥之山海關吏卒邀阻行人以取財亡逃之人則受賕縱之去弊積滋甚公廉得之歸至關悉擒治抵罪弊爲之省丙申北京營造執役之人累鉅萬

上念有病者命醫與善藥又慮其奉行不謹命公察視之躬履其地令潔其穢汚而時其藥食由是病者多不死戊戌石州人有詣闕告變者曰州民與陝人羣聚千餘謀不軌上擢公爲陝西按察副使往理其事果實卽以官軍勦戮毋貽民患賜之楮幣給驛而遣之公至察其誣乃反獄亡命妄言冀脫死卽具以聞

上命止弗問而誅其造誣者宣德己酉陝右饑華亭宜川尤甚公私廩皆竭公巡歷其地憂之乃移旁縣粟賑焉羸病不能興者命官府煮粥食之民以全活庚戌至納潁憂歸道聞父喪哀愈甚每號痛輒欲絕其治喪一用古禮其祭亦如之服除拜應天尹輦轂之下賦急役繁公一以養民爲務事無大小苟可以興利去害無不用其心至於市征田稅皆酌

其平豪猾不得爲輕重賓興之歲公設科取士厚其禮而峻其防得人爲多且樽節其費以待會試故事集而民不擾視異時蓋省十三四歲大熟麥有兩岐者民歸德於公公拒弗受正統改元進拜兵部左侍郎時西鄙有警尚書王公往視師公獨任其事

上嘉其才荆湘民多隸戎伍公家亦與焉至是特除其籍以示寵已未京師淫雨壞官民廬舍公奏曰此陰氣爲沴兵陰也皆臣等不職所致乞罷歸田里

上慰勉之師征麓川公舉蔣貴可任率有功衆人以爲知人天下軍衛總小旗當代者於例必就試京師有道遠無資不能來者終身不得代公請各於都司試之人以爲便時有言欲變易軍伍使南北之人各適其土性下羣議衆依違其間

公曰此舊制不可紊稍有變易將不勝其弊各將誰歸卒不動嘗自念曰治軍吾職也當爲國家惜其力養其銳氣以備不虞故凡軍家利病有當興革者必爲

上言之多見信從已巳邊報虜入寇

上命治軍旅而權姦獨主親征不與外廷議及 詔下大臣皆以爲不可卽上章請留不聽公從行出關屢奏言虜大豕不宜屈

至尊惟指麾諸將足以成功不聽權姦惡其數言事欲踈之勅公與戶部尚書王佑隨老營至懷安墜馬幾殆從者請少留懷安就醫藥公曰

天子在前吾爲大臣豈可託疾求自便力疾而往至雲中車駕回鑿然行止疾徐惟權姦所命至宣府虜寇踵至公深

以爲憂再上章請疾驅入關而嚴兵爲殿皆不報最後公詣行殿申前請權姦怒曰汝腐儒安知兵事再妄言必死公抗言曰我爲社稷生靈而言何得以死懼我權姦愈怒叱左右扶出公與王公相對泣帳中明日次土木營中無水士馬皆饑渴虜四面集矢下如雨衆奮欲戰又爲權姦所沮須臾師覆公遇害蓋八月十五日也生於洪武乙丑某月某日年六十五娶吳氏有賢行子男一卽儀女一嫁同里士人歐陽瑄孫男三琦琳珍公學博行莊仕宦四十年風裁凜然見重於士大夫威行惠施近悅遠懷服仁蹈義至老不衰此其平生大節也權姦誤國而卒陷焉豈獨公之不幸哉嗚呼銘曰允毅鄜公逢時之隆學古入官荐躋顯庸執法在朝爲名御史再陞外臺其行愈偉京尹堂堂百郡所瞻惟少司馬戎

律有嚴遂陟夏卿君子所重噫其逝矣云誰不慟人道之夫曰義與仁仁義不違何愧於天刻文墓碑負以龜趾永永不亡庶其在此

禮部右侍郎諡文肅錢公神道碑

公諱幹字習禮吳越武肅王鏐之後初吳越歸宋子孫皆顯仕其爲吉州防禦使曰惟濟子昕遂家廬陵三傳至貴和徙吉水諸源爲望族曾祖以吉祖立志父好德母赤岸陳氏皆以德義重鄉里公生而喜學父母兄弟皆鍾愛凡所師友者見其文敏而思深且多出腹藁莫不奇其才從學南昌訓導顏子明而卒業於翰林修撰張伯頴永樂六年江西鄉試第一明年會試中第十時

車駕幸北京廷試不果由是從容京師間縱觀 聖朝政化

之美聲明文物之盛四方萬國謳歌朝覲之會同而才益進
九年廷試取進士入翰林爲庶吉士尋陞檢討參史職甲辰
會試命公爲同考八月

仁宗皇帝即位一新庶政陞翰林侍讀與知制誥洪熙元年
賜勅褒贈父母及封其妻 勅同修

太宗皇帝實錄

仁宗皇帝升遐

宣宗皇帝正大位勅修

仁宗實錄公亦與焉時有詔許焚黃公承命以往丙午促
召還京偕太子少保金幼孜等入見命完修實錄二年春闈
則命公爲同考官三年戊申元夕賜文武近臣觀燈萬歲山
賜宴公及文臣賦詩以進賜之鈔四年八月應天府鄉試奏

請考官命公爲之十二月朔是日霜寒甚

上命光祿賜在廷文臣羊酒以禦寒曰

皇祖考在位每旦常有賜今朕多事忘之汝勿忘五年

兩朝實錄成 賜金織襲衣銀幣考禮部會試陞翰林侍讀

學士蒙給誥命贈父以已官母與妻皆贈宜人痛寵命之不

主及也哭之過哀七年

駕過史館有作併賦招隱之歌以示近臣蓋是時天氣清明
聖心悅豫懷賢覽古悠然天趣之高發見於吟詠於此蓋可

見也八月考北京鄉試十年乙卯春

宣宗皇帝晏駕

今皇帝卽位二月上

宣宗尊號賜白金秋九月詔修

宣宗實錄十二月賜文綺丙辰正月改元正統大臣建議開
經筵 詔可其奏公與爲講官三月

上臨軒策士公讀卷勞以羊酒賜宴于禮部戊午四月進
宣宗實錄

上御奉天門慰勞甚至賜白金文綺織金衣襲陸翰林學士
賜宴于禮部八月應天府鄉試命公爲考試官四年充廷試
讀卷官六年考北京鄉試七年壬戌爲行婚禮賜紗衣紗帽
金相香帶等物九年甲子三月大新國學成

上祇謁 先聖躬行釋奠禮幸彝倫堂命祭酒司業以書易
進講從臣坐聽公與其列七月公上章乞致仕弗允且降勅
諭天下憲臣及縣令有難其任察舉以聞公舉所知而人以
爲當十年乙丑禮部春試

上復命爲考官三月進五倫書蒙賞齎冬十月

欽陞禮部

右侍郎公以老病懇辭弗獲諭使就職

朝廷稽古右文事

多由禮部公夙夜祇慄惟恐有弗稱

上又命兼署吏部公益謹畏不自寧求去益切

詔許之公

卿大夫餞送出都門皆有詩公獨取歸去來辭長歌以自快
人莫不以爲榮而喜 聖德之厚也公孝友忠信篤於倫誼

厚生送死君子稱之至姻戚故舊亦無恃於理者在位三十
餘年以文章議論爲士類所敬樂於教人學者亦樂從之遊
典文衡者八讀卷者二佳時暇日擇勝往遊長篇短章發於
歌咏以揚太平之盛美及老而歸頤老之堂子孫侍教者十
五年凡所著述論思聯爲大卷有應制集詞垣藁詞垣續藁
歸田藁藏于家後世傳焉天順四年九月嬰疾五年四月益

甚五月二十二日終於正寢春秋八十有九訃聞
上爲之嗟悼命禮部賜祭工部爲治祠墳諡曰文肅配王氏
繼娶曾氏皆有賢行子二長鸞停先卒次鳳躍習舉子業女
一人孫男某曾孫男某初公之歸卽欲爲安樂窩得地于其
里洲背山而營焉至是鳳躍以其親戚高僉憲所述行狀請
於予曰先考文行公知之且交最久神道之碑非公孰宜爲
予老且病不得辭乃勉副其意詩曰

洲背之山有崔者墳是誰所營武肅令孫惟此令孫克勤帝
載由唐而興日廣且大歸于有宋以德以仁衣冠相傳有土
有民天祚忠孝賢者相繼維時能來繫公是視公之遊此旌
旆于山靈來瞻風卷雲舒植木有本驪水有源公之本原
人其式旃公每來歸子孫翼翼誦詩讀書有永無斁惟公世

家海內所聞政事文章亦煥然其羣我與爲友式篤于其
而終尚利後嗣公官三品神道有碑我作銘詩百世之誥

奉天靖難推誠宣力武臣特進榮祿大夫柱國太保

寧陽侯追封濟國公諡武靖陳公神道碑銘

李賢

永樂初靖難功臣不下數十人然克享祿位於悠久者鮮矣
惟太保寧陽侯陳公歷事

五朝出藩入衛凡六十餘年而以今終嗚呼盛哉公諱懋字
舜卿鳳陽壽州人高祖萬曾祖福三祖大俱追封涇國公
妣皆涇國夫人父亨從

太祖高皇帝定天下以功陞都指揮使洪武三十二年從
太宗文皇帝靖內難復以功進都督同知卒贈奉天靖難推

誠宣力武臣特進榮祿大夫柱國追封涇國公諡襄敏母韓氏涇國夫人襄敏公三子長恭嗣為都督同知次忠府軍前衛指揮使季即公也器宇宏遠識見超卓尤負膽氣工騎射年弱冠即從父領兵為前行凡壩上廣畧蔚州大同白溝濟南之戰與父同功又禦敵于單橋藁城西寨東平固鎮小河戰尤力累陞右都督未樂初論功行賞進封奉天翊衛宣力武臣特進榮祿大夫柱國寧陽伯食祿壹千石子孫世襲賜誥券賚予甚厚六年受 詔佩征西將軍印總兵鎮守寧夏 賜寶鏹白粳牛年以為戒嚴之費公至鎮號令一新凡胡人降附者親撫綏之務得其歡心乃已七年選精兵自將大敗虜于境外由是殘孽遠遁邊塵為之一清捷聞加封奉天靖難推誠宣力武臣特進榮祿大夫柱國寧陽侯食祿一

千三百石子孫世襲復賜誥券及貂蟬冠服錦綺寶鏹八年春

上親征北虜公將左掖兵十一年冬還鎮十二年春

上復親征公仍將左軍俘馘甚眾明年還鎮十四年夏有報虜酋馬哈木死者公未之信曰是欲懈我邊備也即申飭諸將固守已而虜眾果來見有備而退二十年春

上復北征公率所部兵以從還京 賜玉帶金綺龍衣且聞公有女賢淑禮聘入宮冊封麗妃尋命歸寧父母賚予駢蕃當世無與為比二十一年 詔公統陝西寧夏甘肅三鎮兵出勦叛虜公率眾直抵賀蘭山擣其巢穴盡收其酋長也先土干部落及其牛馬駝羊數萬凱還上大悅寵賚有加二十二年復隨

上北征師還以公爲殿至京遂領前軍都督府事

仁宗皇帝登極以公勛戚有勞加太保復官其長子昭爲勳

宣宗皇帝臨御待公尤厚樂安州之平公領京營兵衛

上有功還有金帛人口之賜二年復鎮寧夏三年春奏徙靈

州城以便防守四年春得玄白二兔以進上賜璽書獎諭兼有玉帶龍衣馬圖之賚六年還京十年命

佩平羗將軍印移鎮甘肅正統改元今上皇帝嗣位念公勛戚之舊召還奉朝請十三年冬福

建民鄧茂七作亂僞稱閩王勢甚猖獗上曰此賊非老將不能平特命公率師往討之至浙江有

欲分兵先守海口者公曰如此是絕其生路則爲死寇矣不

從明年春師次建寧有欲屠沙尤二縣者公曰如此則益堅

賊心矣乃下令諭之俾各復業能斬賊首者官賞與王師同

於是降者日衆公曰賊勢已孤無能爲也乃五路進兵一鼓

而收之凱還賞勞加等命領中軍都督府事尋兼領宗人府

事景泰中加太子太師天順改元皇帝復位恩遇益隆固辭宮師許之六年春忽得疾踰秋不

能起上言臣老死不足恨惟陛下以生民爲念任賢用能以圖太平之治則國家幸甚

上覽之惻然曰看卿所奏足見忠誠宜尚加調治以副朕懷

父之醫藥弗効遂薨時天順癸未七月十六日也距生洪武

已未二月九日享年八十有五訃聞上震悼輟視朝一日追封濬國公諡曰武靖遣官諭祭加賻

及營葬事

東宮及諸王亦各致祭公偉觀脩髯語音洪亮曾懷磊落敬禮文士雖位極人臣未嘗妄自尊大而南征北伐口不言功當為中興名將稱首配嚴氏封寧陽侯夫人早卒子男六人長即昭次曰福寧俱早卒次曰晟為勛衛次曰潤次曰瑛次曰昂女五人長適應城伯孫傑次即

恭順榮穆麗妃次適東勝右衛指揮使張昭次適府軍左衛指揮使張輪次適都督同知馬良潤等卜以是歲某月某日與嚴夫人合葬于都城西香山之原銘曰

壽有陳宗父子傑特涇公濬公後先開國

文皇靖難孰多勛勞涇公輔之首秉節旄奮武桓桓所向披靡大事垂成星殞于壘濬公承之以篤世忠鼓勇前馳濬公

同躍馬揮戈到處蹀血乃伯乃侯成此茂烈金符虎節履邊陲于征于狩無遠不隨關寇勳勳東南震恐濬公征之輯其眾巍巍勛戚歷事

朝龍衣玉帶惟

之褒壽嘏既純允顯六紀睿與承平宿將無幾煌煌愍而此令終生死哀榮孰如濬公西山嵯峨佳城在側史臣勒筆載輝赫

恭順侯追封涼國公諡忠壯吳公神道碑銘

順辛巳逆賊曹欽謀逆不軌潛俟七月二日早朝入殿為恭順侯吳公先於是夜一鼓聞之即與其弟廣義伯琛約兵懷寧伯孫鏜走詣兵安門告變於是禁門不啓賊計遂舉火燒禁門公等率兵勦殺奮不顧身賊雖誅滅公已捐

驅賊
矣嗚呼先機告變公之忠也殺賊喪元公之勇也然則逆
之敗豈非公之功乎

皇
上聞公之歿哀悼殊深輟視朝一日追封涼國公諡忠壯

凡
秘器諭祭賻儀之類悉從厚典復命有司爲營塚壙以安

社
之蓋扁念勛戚之臣臣爲
稷而死故報功之典位從尋常也既而琮詣予泣且告曰

先
兄不幸歿於鋒鏑茲欲立石墓前以白於世非先生之文

不
可辭弗獲按通政司奏議趙君昂之狀公諱璿字廷璋其

先
西涼人祖諱允誠永樂中累以戰功封恭順伯父諱克忠

嗣
伯爵洪熙初以戚里恩進封恭順侯正統甲子以征虜功

加
太子太保己巳秋禦寇北邊力戰而死追封涼國公諡壯

勇
毋楊氏封涼國夫人叔父克勤官至左軍都督前上
都督

亦同兄歿于陣追封遵化伯諡僖敏公生而英銳襟度爽

親賢好善未嘗以門第驕人以故摯紳士大夫樂與之游相

與議論古今講說道義而公頗能識其旨趣尤閑武藝精騎

射方其父叔禦虜之際公亦在陣中發矢射虜洎父叔矢盡
而亡公始就執其酋長念公忠義之後釋之乃還京遂嗣父
爵天順改元
皇上復位公以勛戚隨侍應對稱旨自是日備顧問賚予
甚厚尋命理左軍都督府事公益感激夙夜效勤一旦遭變
委身則其允蹈忠義視乃父乃叔爲無愧矣公生於永樂癸
巳十二月一日享年四十有九配李氏故會寧伯之女有淑
行封侯夫人生子男二長曰鑑次曰鏞次曰錫女一適指揮
使劉玉琮嗣廣義伯遵化公之子卜以是年八月某日葬公

於順天府房山縣之新莊從先妣也銘曰

世祿之家忠義無幾有若吳門展也無比彼美忠壯虎視耽耽遵化之姪邠公之男忠以捐軀壯以禦侮相繼如歸光照中土飭終追榮惟

帝之恩匪

帝之私惟以報勛闐矣泉宮西山之麓秘器旅陳穹碑載陸仁者有後公則成仁銘以貞之何千萬春

禮部尚書致仕贈大保諡忠安胡公神道碑銘

我朝名公鉅卿聰明特達者多矣若器識宏遠福壽隆長惟武進胡公一人嗚呼休哉公諱澐字源潔別號絜菴其先

淮安宿遷人有諱藩者仕劉宋為太子左衛將軍遷豫章數傳至諱誠者仕唐為侍御史子常州刺史又瓊生持因家于黨

遂為武進人持四世孫曰宿仕宋為樞密副使宿十一世孫

曰中立為常州制置中立生昭公之高祖也會祖庸仕元為

江浙儒學提舉祖禎為常州路醫學錄考宗仁隱居不仕皆

以公貴贈光祿大夫少傅兼太子太師禮部尚書曾祖妣章

氏祖妣徐氏妣李氏皆贈一品夫人公生而髮白彌月方黑

母夢一僧持花以遺之覺而生公居數日有僧至家索觀公

見僧即笑僧曰此吾師天池高僧後身也命我求見以笑為

誌果然聞者咸驚異之公自幼端重不好嬉戲弱冠入邑庠

洪武中領鄉薦登庚辰進士第授兵科給事中尋遷右給事

中公勤識大體士林譽之

太宗文皇帝入正大統公供職如舊永樂改元秋以奏對稱

旨陞戶科都給事中丁亥

上察近侍中惟公忠實可託遂命公巡遊天下以訪異人爲名實察人心向背時御製性理大全爲善陰隲孝順事實書成俾公以此勸勵天下以故雖窮鄉下邑軌跡無不到在湖廣間最久丙申秋還朝丁內艱乞終制不允尋進禮部左侍郎明年往巡江浙諸州授嘉議大夫癸卯復自均襄還朝時車駕親征北虜駐蹕宣府公馳謁行在所上臥不出聞公至喜而起且慰勞之曰卿驅馳良苦賜坐與語凡所歷山川道里郡邑豐嗇民情休戚以至所聞所見保國安民之事悉爲陳說

上欣然納之向所疑慮者至是皆釋比退漏下四鼓先是仁宗皇帝爲太子監國時有飛語上聞

文廟屬公往察之公至以所見七事皆誠敬孝謹密疏以聞上覽之大悅自是不復疑

仁宗嗣位特賜誥命授正議大夫資治尹已而聞公會有密疏疑之乃轉太子賓客兼國子祭酒之官南京未幾閣章奏見公所上密疏深嘉其忠方議重用之而龍馭上賓矣

宣宗皇帝卽位復禮部左侍郎兼職如故洪熙乙巳冬公自南京來朝

上素重公及入見顧問良久卽留任行在禮部事宜德改元春進尚書是歲秋漢王謀叛事公贊

上親征事平公受賞賚甚厚復給叛者家屬四人丁未賜誥命授資善大夫復賜近第一區於長安右門外給閹者

二人戊申

上嘉公忠勤特賜銀章四其二曰文恭世家曰清和恭靜蓋嘉美褒美之也尋以公生辰賜宴於其第秋八月公扈從巡邊至會州而還巴西命兼詹事府事夏五月復扈從北巡時常民有豪橫者既抵于法悉以田宅賜公辛亥命兼行在戶部事聖節御製詩一章賜公及蹇忠定楊文貞文敏三公且曰朕茂膺天眷惟爾四人贊翼之功因賜宴盡醉而罷新建禮部成命光祿設宴勛戚公卿皆往賀公公以為盛事立石廳事之右倚任益隆每燕見

上虛心問曰卿有何言得其章奏即施行之時有芝產于公署人以為公和氣所召

今上皇帝踐祚亦惟圖任舊人待公尤厚凡軍國重務皆與聞加授資德大夫正治上卿每考績必有賚予甲子以年不

七十上章乞致仕

上以公精力未衰慰勉留之已已

上親征比虜命公留守京師秋八月進太子太傅階榮祿大夫景泰初賜誥命辛未春公因災異數見乞放免以回天意不許尋進少傅壬申兼太子太師二俸兼支公固辭一俸癸酉復賜誥命進階光祿大夫自後每歲引年乞歸皆不許丙子復因災變乞賜罷黜亦不許時公年八十二忽疾作艱於步履明年

皇上復位公喜不自勝扶疾入朝而筋力不可強矣遂乞

謝事且辭師傅二職

上方重用耆舊憫其老皆從之陛辭賜白金寶鏹金織襲衣給驛舟以歸復賜璽書有卿宅心允臧處事惟慎雖經變

故無改厥常之諭歸之日鄉人老稚聚觀者以億萬計公陳
所受賜於堂感激泣下遣冢子長寧詣闕申謝
上念公歷事累朝遂官長寧爲錦衣衛世襲鎮撫俾歸終
養公之弟克恭克寧克誠時年皆七十餘蒼顏白髮燕樂於
一堂遂扁曰壽愷優游桑梓者七年疾復作召諸子前曰爾
輩圖報國恩勿墜家聲遂瞑目而逝天順七年八月八日
也享年八十有九終之夕常州守卓天錫夢公來辭已而聞
終大以爲異計聞

上爲之震悼贈太保諡忠安遣官諭祭於其家復令有司營
葬事恩榮始終世莫與比公爲人平易寬和廉靜寡慾自奉
淡薄起居有常居官敬慎一毫不苟歷事
列聖無纖毫過舉蔚然爲一代名臣立朝幾六十年薦拔

士類甚多十知春闈貢舉天下之士盡出其門平居未嘗
言遽色雖庸夫孺子亦知其爲長者暇則手不釋卷喜爲詩
文晚年譽望益尊其酬應愈劇曾不厭倦所著有芝軒集若
干卷又嘗輯鋒醫藥經驗者曰衛生易簡方經進又有律身
規鑑俱行于世公配范氏早卒累贈夫人繼張氏累封夫人
子勇四人長曰洪卽長寧居母喪廬墓有司聞于
朝旌其門曰孝子次曰衍以武舉得官沒於王事次曰瀛錦
衣衛指揮僉事次曰嗣女三人長贅林圮次適成國公朱儀
次適陽武侯薛琮孫男一人曾孫男一人銘曰
大明盛時有臣胡公從容其問以篤其忠始爲夕郎乃教胄
子輿論攸歸多士咸喜作賓春宮遂長春官
列聖倚之四海乂安國之老成進位師傳溫恭維人翊我

皇度公在 朝廷六十春秋祿位優游莫之匹休公身雖亡
中有不死懿行崇功昭彼信史

皇恤者英曠典是承隧道有碑儒臣刻銘

吏部尚書致仕贈太保諡文端王公神道碑銘

公諱直字行儉別號抑菴系出瑯琊晉太傅導之後也導輔
東晉遂家金陵後數世有崇文者仕唐爲吉州刺史因家吉
州又數世孫贄仕宋爲戶部侍郎徙居泰和代有顯人曾祖
以道祖子興隱居不仕父伯貞仕 國朝爲肇慶知府俱以
公貴累贈少傅兼太子太師吏部尚書妣皆贈一品夫人公
早喪母而父以事去賴祖母李夫人撫育自幼端重異於常
兒家貧力薄刻苦讀書永樂改元遂領鄉薦明年登進士第
時

太宗皇帝篤意古學詔選進士曾棨等二十八人爲翰林
吉士俾讀中秘書冀成遠大之器公在選中感激奮志不數
年文辭追古作者

上以公卓越諸士召入內閣凡機密之政屬執筆焉尋授翰
林脩撰

車駕巡幸北京

仁宗爲皇太子監國留務之重選任尤嚴時翰林則留黃淮
楊士奇與公三人輔導公夙夜勤慎不懈中外咸倚重之及
再幸北京公在扈從遂與脩

太祖實錄未成以憂去服闋仍入翰林陞侍讀

仁宗卽位進侍讀學士

宣宗爲皇太子慎選宮僚首陞公右春坊右庶子仍兼侍讀

學士凡經筵講義及文武群臣誥勅皆以屬公又兼記注至
於 聖政聖訓之當書者皆錄之以備纂述進階奉議大夫
宣宗卽位與脩 兩朝實錄成進詹事府少詹事仍兼侍讀
學士有白金彩幣襲衣寶鏹之賚進階中順大夫

今上嗣位詔脩 先朝實錄以公總裁書成進禮部左侍郎
仍兼學士賞賚如前父之以禮部缺人命公出涖部事宗伯
胡公大喜國部之政悉付之公處之裕然若素習者吏部尚
書郭璉去位詔以公代之 命下士類皆悅進階資善大夫
歷再歲有無賴不得志者以選撥事嫁禍於公給舍御史交
章論列乃直公誣加授資德大夫正治上卿正統己巳秋北
虜犯邊

車駕欲親征公獨以爲不可率廷臣上疏止之不獲特命公

留守京師加太子太保兼吏部尚書尋進階榮祿大夫景泰
初進少傅壬申兼太子太師進階光祿大夫公累疏求退不
允天順改元

皇上復位圖任舊人公艱於步履不能朝謁懇乞休致并辭
師傅二職 詔特許之賜以璽書有忠清之操簡于朕懷之
語復出白金文綺寶鏹賜之給驛舟以歸公方面脩髯器宇
宏偉望之若神仙中人天性嚴重寡言笑居家儼然及至接
人和氣可掬學富才敏詩文清緻四方求者接踵屢典春闈
文衡得人最盛在翰林三十餘年恭勤不怠如一日與王文
安公齊名時稱二王又以居第在東稱東王先生士類莫不
拭目海內想聞其風采及位冢宰益加廉慎時方面官罷廷
臣薦舉專屬吏部公益留意人才委任部屬凡御史出巡歸

者必令報其高下以備拔用自是四方多號得人奔競之風
爲之一息居第隘陋曾不屑意一切世味安於淡薄

朝廷重公之德每優禮之免其朝謁及退休居家杜門不出
日課諸孫讀書而已所著有抑菴集若干卷行于世天順六
年九月二十三日以疾終于正寢享年八十有四訃聞

上爲之悼惜特贈太保諡文端遣官諭祭于其家復令有司
營葬事公配陳氏累封一品夫人先公二年卒于男四人長
曰積翰林檢討居母憂以卒次曰積次曰穆次曰桐女三人
長適梁相次適蕭積次適袁傑孫男十人曾孫男七人積等
卜以天順七年正月六日葬于邑之信實鄉高坪之原乃以
公所爲墓誌示賢請銘其神道賢從公遊最久公未嘗待以
屬吏又引之同升平生之知未有過於公者謹次第其事而

系之以銘銘曰

國之明昌繫彼才賢有一挺生緊豈偶然侃侃王公天賦其
秀有聲燁然大江之右鑿坡鳳閣容與翔翔惟學之昌惟譽
之芳遂秉鈞衡不倚不忒百司庶府位稱其德位稱其德又
我烝民

列聖汝嘉保傅師臣公之旋歸既祿且壽國藉耆龜士仰山
斗公之云亡軫我

聖衷節惠二名錫命三公有美哀榮無然愧忤銘在豐碑元
老之墓

正德庚午年

卷之六

明倫彙編 家範典 孝行典 卷之六

十六年八月廿九日

自庚午年八月廿九日

...

明倫彙編

